

五同圖

瓊州府志卷之四上

輿地志六 山川

巖洞井泉附

瓊山縣

抱珥山在城內道署西高三丈餘阮通志

龍文山在府署後高三丈餘明知府林有祿培築上同

三台峯在府學宮後脈自抱珥龍文聯絡排列如三台然新志

蒼屹山在城南二里石峯屹立水流其下通志其陰有仙人洞又名紫霞洞大清一統志

鴈塔峰在城南三里平岡一峯尖秀如筆水環其下上同宋郡人姜唐佐始登第因名元至

正間築鴈塔亭於上明萬歷時豎三元碑於中峰故又名鴈塔三元峯郝通志

赤石岡在城西南五里石多赤色阮通志

靈山在城東南十五里舊名黑山俗名聖山自北來者渡海中洋即見之喬木蔭翳上有

瓊州府志

卷四上

輿地山川

一

瓊州海口海南書局印行

神祠至為靈顯大清一統志上有靈山祠所祀之神有六郝通志曰靈山曰香山曰瓊崖曰通

濟曰定邊曰班師今並祭之黃通志

瓊崖嶺在城南十里蕭志作二十里即古珠崖郡城址大清一統志平地起峯高百蕭志作十餘丈郝通志

潭龍嶺在城東北二十里登絕頂可望黎母諸山其下有泉分兩臂並趨西南一泉中湧

名曰卓錫相傳宋僧和靖常卓錫於此粵東名勝志

鋪錦巖在城南三十里元蔡貞女九娘死節於此又名鋪錦谷廣東輿圖

順村嶺在城東南三十里平坡起峯元僧無我建塔於上右為龍盧洞上同

西石山一名馬鞍山在城西四十里高三十餘丈為郡城主山蕭志上多石下有洞可容數

百人古傳有鼎石丹爐在挺峯之下西隅石基乃鄉人禱雨之所上有井與海通戴通志

西南一里有遞蓮峒稍西為龍廊峒牛志

虎村嶺在城西南五十里高二十丈一名雷虎山又名波秋嶺脈自西石山蜿蜒而來至

此崛起狀若虎踞亦名虎蹲嶺下有溪流為西南湖又南有鴉卜峒上同

扶山武德縣有扶山隋書地理志在城東南五十里左有五嶺一曰從衡二曰思峒三曰光螺

四曰居祿五曰居林遞相擁護故曰扶山蕭志昔有陶公居之故又名陶公山通志道書以爲第二十四福地又有巨潭流三十六曲以達於江明一統志其西有蒼巡峒中有二井阮通志

瓊山在城南六十里一統志大清圖經云瓊之取義蓋瓊山縣奉化鄉有瓊山白石二村土

石皆白似玉而潤種類其上特美所產檳榔尤佳其石如瓊瑤耳輿地紀勝唐因以名縣蕭志

雲露山在城西南六十里高百餘丈中有三潭上一潭林木陰森人不敢近其次二潭生

小石如橄欖有竅可穿俗名橄欖珠歲旱禱雨多應阮通志

東石山在城東南七十里平原中一峯突起狀如交椅石上有巨人跡又名美丙嶺蕭志

了髻嶺在城東八十里高二十餘丈形如了髻同上

龍堆山在城東南八十里山下有息石初甚小歲久漸大鄉人祀以爲神黃通志山在那射

都又名那射山分爲二山者誤大清原通志

石鼓嶺一名南岐嶺在城西南一百六十里西黎都高二十餘丈中有大石盤圍十丈許

有小石叩之其聲如鼓蕭志

盤塔嶺在南岐嶺南上有十三峰下有溫泉又山頂有湮盤塔阮通志

白石水泡嶺在縣西南一百八十里諸峯環抱南有白石石下湧泉若湯沸起同上

仙人峒在蒼屹山後洞口一石如爐內有石版刻云盤龍屈曲自何起伏回翔幾里後人

於何里字下添方長二字牛志明嘉靖間郡守張子宏偕貳守趙可且遊覽改題曰紫霞

峒建安仙青雲二亭萬歷間副總兵鄧鍾建羸惠庵其左有流芳亭副使蔡夢說建右

有會心亭知府倪凍建各有題詠瓊山志

蒼巡峒在符村西峒內有二井鄉人嘗於此汲水其一深暗不能入同上

龍廊峒在石巖都東南一里峒路崎嶇自西南而入深二十丈旁有小峒十二可容數百

人大清一統志

遞蓮峒在石山舖西南一里許入石門行數十步徑竇委曲相通大小凡五峒有石磴如

楊可容數十人上有一門透露天日牛志傍有黑峒無火不能入大清一統志

鴉卜峒在雷虎嶺南周廣約里餘深數丈雖秋潦彌月不滿中有石墩牛馬牧其內輿山志

龍盧峒在張吳都顏村側卽顏盧縣故址副使黃顯休養之所知府史朝宜相訪詩棟宇

春深古顏廬暖風晴日集靈都野花作意當年落山鳥迎人隔岸呼綠暗煙蘿低蓋入
丹懸額樹緩車驅清幽深得高賢致羅蜜根前坐夕暉同上

川

學前水在城南源自西湖流經縣學前蕭志作舊縣學前又東南入南渡江大清一統志流經洗馬橋

東從舊縣學繞郡城過南橋至蕃誕村會大江入於海採訪冊

第一水在縣西三里自山澗流出繞下田村又西三里次一澗謂之第二水皆流入海

大清一統志

南渡大江在城東南十里發源五指山經臨高澄邁定安三縣地界流至城南六十里曰

白石河至城東南十里曰南渡大江又五里曰博冲河口北流入海自博冲口分一枝

繞城東曰河口河阮通志瓊城柴米竹木多由此運入一統志載黎母水即此蕭志

河口河在郡城東門外明宏治間知府張桓因里老唐正等上言買博冲民田開河引水

直抵城濠以便通糧牛志後於乾隆元年巡道潘思榮疏鑿繞城東門南接博冲河北經

金粟庵明昌塔通白沙港入海自是舟楫可通海口商貨駢集民賴其利號為潘公河

勒碑岸側十九年巡道德明精於水利渡河東北下窰口建石閘以資啓閉灌田益廣

歲撥府地稅銀六兩為開夫工食商民立碑閘旁名曰德公閘蕭志乾隆四十七年前道

五百兩生息為修河經費督撫咨部奉准在案四十八年價買樂會縣崇文鄉土名業墩峒錦舖等處田地共

四十二畝八分三釐三毫載糧銀一兩五錢四分四釐九毫折制錢一千五百七十七文每年批佃輸租錢三十

一千文除完糧外實存錢二十九千四百二十三文遞年租息由樂會縣徵收解道庫存貯專為歲修潘公河之費檔冊

博冲河口在城東南五里頓林東昌二都界水從南湖流出亦從大江而入為郡治巽方

之水形家言不利於郡城尚書王宏誨言於知府謝繼科通判潘大熙塞之嗣水漲淹

田鄉人共稱不便鳴於署府事推官傅作霖復開蕭志海口港在城北十里海口所北官渡自此過海又十里為牛始港二十里為白沙港同上

神應港在縣北十里戴通志瓊州白沙津番舶所聚之地其港自海岸屈曲不通大舟而大

舟泊海岸又多風濤之虞王帥光祖直欲開一港以便商旅未就忽颶風作自衝一港

尤徑於所開遂名神應時淳熙戊申也輿地紀勝

峻靈潭在縣東周二百餘丈魚味特美蓋黎母水所滙也大清一統志有峻靈神祠今廢蕭志

瀟渭溪在縣南十六里有二源一出縣南十五里謝潭一出縣南二十里廢潭合流十餘

里東北入南渡江水清如渭土人呼水為浦故名鄉人沿流築棚置車升水灌田大清

一統志

謝潭在城南十五里許澗泉湧出瀦為潭深莫可測蕭志

廢潭在城南二十里許源出山澗瀦為潭大旱不涸同上

白沙河在海口東三里乾隆六年監生陳國安等倡捐由白沙村尾疏鑿通海口瓊山

東湖在城東十五里博茂都相傳有巨室居此一夕陷為湖官民立廟湖上同上

西湖一名頓崖潭在城西十五里有玉龍泉出自石竇寒冽甘潔瀝而為湖大清一統志昔

人刻石為龍置泉上水從龍口噴出故又名龍潭上有龍廟禱雨輒應其水一達博冲

一東流為學前水繞縣前過洗馬橋及南橋入於南渡江蕭志

小英港在城西北十里又十五里為鹽竈港

烈樓港在城西三十里乃漢軍渡海之處有大石生海邊北有三墩名烈樓嘴海南渡徐

聞此為最近俱同上

新溪港在城東五十里界接文昌明萬歷間地陷數十村遂成溪與舖前港相通縣志

麻錫港在城東北四十里又十里為芒茅港又二十里為東營港又三十里為博茂港又

四十里為北洋港蕭志

西南湖在城西南五十里雷虎都乃虎村嶺溪流瀦為湖東南流經梁老橋入南渡江即

一統志所載南湖也去湖四十步有仙井上有仙遊遺跡石刻詩

銅鈹溪在城東南八十里源出那射山中有巨石如銅鈹水注其中其聲如雷溢出文昌

舖前港

安容湖在城南八里

小西湖在城西

五龍池在城西十二里五原都五泉湧出成池經濱涯轉南茂橋入海俱同上

洗馬池在城南三里阮通志

豐好水距城七里龍眼水九域志郡國志并在瓊山界輿地紀勝

蓮塘在城南產白蓮蕭志

東山溪在城西南七十里經澄邁定安達南渡江

雙塘在城西四十五里文盛都

舊名下石山都

其塘一大一小一清一濁大小相連淵深莫測鄉

人祀以為社遇旱禱之即雨

府門井即舊蓮塘井在城西南泉味甘冽環城人皆汲之

雙井即海南衛前井宋景定三年鑿其一久湮元皇慶間元帥郝靠山復浚民取汲焉今

塞其一

東坡井在舊道治後東北隅東坡曾憩息於此故名宋時井在城外明初廣城遂圍入城

內至萬歷乙卯

碑作唐庚辰

郡守謝繼科

碑作唐可封

移

碑作重

建洄酌亭於此有記勒石今亭廢碑記

尚存

觀風井在察院公署左萬歷戊子巡按蔡夢說開自記立碑俱同上

北城井泉味清冽明吳昇開指揮徐瑄修縣志

玉液井在城內西隅管糧廳後明景泰五年知縣陳用己開蕭志

西城大井在城大西門內街北明正統間指揮李翔開今西門人汲之同上

鍾公井在小西門內深三丈許周砌石旁有碑鐫鍾公井三字採訪志

瓊

州府志

卷四上

輿地山川

五

瓊州海口海南書局印行

毓秀井在城東北二十里潭龍嶺後其味清冽

馬皇廟井在小西門馬皇廟內鍾司徒鑿

鏡井在東山市西北一里許天生自然廣三丈深無底水清如鏡羣魚出沒井門通三十

六曲溝溝水濁井水清分明不混如河濟然俱同上

水關井在北城內泉味甘冽蕭志

武秀井在城東街武秀坊前明宏治間指揮張詡開

晏清泉在小北門內晏公廟後味甘勝城內諸井元時開石刻晏清泉三大字

南城脚井指揮李泰開

瓊漿井在南郊舊縣學東明洪武間教諭趙謙浚深四丈立二石柱駕轆轤以汲水後人

又立石碑刻瓊漿二字今井基尚存

六角井在城南郊舊縣學東路畔石砌六角有柱今南郊外汲之

淨沙泉在城大南門外西南濠畔泉味甘冽勝諸井

枇杷井在南橋解元唐濂伯居前有大批杷樹陰蔽於上故名味甘冽而不竭亦名仙井

鄉人傳有金鯉時見以爲解元之兆

南宮井在南橋外南宮殿廟後泉味甘冽大旱不涸

玉龍井在城西南五十里泉出石竇如飛珠走玉水寒冽大旱不竭郡中祈雨必於此請

水郡人鄭廷鵠有銘

雙眼井在城南門橋外舊山川壇北泉味甘冽不下沙井

洗心泉在城北接龍橋下郡守賈棠建橋得此泉立石命名有記

雙泉在城外東北隅宋蘇軾於此得二泉一名金粟一卽此泉相去咫尺而味異上有臨

清亭濯纓亭後陸郡守又建泂酌亭並廢

金粟泉即雙泉之一又名浮粟井在城東北里餘與右北隅泉相望而味尤佳萬歷壬子

郡守翁汝遇創建粟泉亭掘地得一石年東坡行草書跡遂攜去四十二年郡守謝繼

科復於井上甃石琢雙龍頭於井中泉從龍口噴出灌注於田建亭曰會源建庵曰金

粟復設東坡書院開塘一區四十五年提學副使戴燿建二蘇祠於泉上歲久諸亭俱

圯至乾隆間學使翁方綱復建亭於書院之前補題其額曰泂酌亭

竹根井在城東一里唐胄鑿有銘

清惠泉在城北五里亭明萬歷戊申郡守倪凍鑿旁建亭曰清惠故泉亦以此名味甚甘

泂行人憇息多飲之有石勒銘並刻倪公井三字

白玉井在海口紅坎坡西土人呼曰白土井味甘冽明宏治間陳英俊開

噴珠井在文峯塔下

龍井在城西蒼驛都鄉人琢石爲龍置穴中水自龍口噴出大旱不涸

田井在城南四十里邇都周圍三十步許冬溫夏冽旱則三五十里皆汲之

惠通泉在城南五十里三山庵下宋蘇軾經此飲之謂味類蕙山泉因名惠通並作記故

亦名東坡井俱同上

仙井在東潭都石巖中深一丈有平石左刻貞元二年右刻熙寧甲寅數字阮通志

澄邁縣

山

邁山在城東南五里高三丈蕭志以縣境內有澄江邁山故隋以名縣下有泉名七里久旱

不涸大清一統志

獨珠山在城東十里圓潔如珠下有泉名滴珠泉同上

大勝嶺在城西十里高二丈漢伏波將軍屯兵於此征蠻得勝因名黃通志明成化間知

縣韋裘建石橋於上蕭志

萬歲岡在大勝嶺南高十餘丈石如列屏雨則雲霧籠罩又名聖石下有清泉

夏石嶺在城西南十五里兩峯連翠鄉人每季夏祭社於此故又名夏社嶺

佛社嶺在城南十五里高三丈上有神祠下有清泉久旱不竭流通稍陽水

社仁嶺在城東南二十里高五丈鄉人立五土神祠於上

石禮嶺在城西北三十里高三丈餘舊立烽墩於此

石龜崙在城西三十里許奇石如龜潤則旱乾則雨俱同上

文裔山在城東南三十里高二十餘丈連峙三峰亦名三峯嶺上有石裂口冬月火氣薰

蒸下有泉五穴昔人琢石為五龍頭水從龍口噴出名龍泉禱雨輒應縣志

青山嶺在城東南三十里高十丈巨石如室中有神像禱雨輒應阮通志

雲竇谷在城西北三十里谷極幽邃昔有處士吳濬阮通志作濬隱此邱文莊有記又名迎賓

谷

三峯嶺在城南三十里三峯聳列如三台然

幹峰在城南三十里又名崑烈嶺

昌通嶺乃幹峯分支南行里許穿田突起象極圓淨

嵩嶺在城西四十里

北畔嶺在城西南五十里高三丈明嘉靖間邑令秦志道議遷縣治於此基址猶存

北地嶺在北畔嶺迤東俱同上

吾魯嶺在城西南五十里竇立村下有石筍排列如掌鄉人立社於此禱雨輒應縣志

西岸嶺在城西五十里四面巖石環繞下有泉極清冽阮通志

眠狗嶺在城南五十里以形似名又名羣石嶺中有巨石磷磷四面溝渠環繞洵為勝概

同上

美梁山在城西五十里脈自福山迤邐至此突峙員如驪珠下有泉如注歲旱鄉人擊鼓

禱之輒雨縣志

創策嶺在城西五十里宋王居風家於此

坤元嶺在縣西五十里形圓如珠上有神禱雨多應俱同上

寶河嶺在城南五十里脈自那羊嶺蜿蜒數十里蘊結於此頂突成七星登嶺眺望一邑

山川秀若列眉阮通志

那羊嶺在城西六十里澄臨交界蕭志

合嶺在城南六十里峯巒拱合故名瓊澄分界於此同上

麻山嶺在城南六十里高十丈連亘有牽牛嶺高五丈阮通志

秀水嶺在城南六十里上有龍神廟縣志

石鼓嶺在城東南七十里高三丈上有二石並峙扣之聲如鼓凡遇令節鄉人擊之以為

樂蕭志

黃家嶺在城南七十里元時黃千戶家於此縣志

北雲嶺在城西南七十里高數十丈有石為屏翰溝為環繞中間層級登若升階阮通志

南龍嶺在縣南一百里綿亘十餘里山勢起伏若龍久旱將雨遠望有火光焰耀

眠床嶺在城南一百二十里平崗如床故名俱同上

官苟嶺在城南一百二十里高二丈巖勢險峻中有石峒名大坡峒可容千人明洪熙

間定安黎王官苟曾聚衆於此因名大清一統志

南黎嶺在城南一百二十里高二丈綿亘數十里與官苟嶺相接皆黎人所居同上

白石嶺在城西南一百二十里上多白石故名廣東輿圖頂有深潭泉自石峯出歲旱白黑必

雨大清一統志

佃當嶺與白石嶺連接上有二石一仰一覆郝通志

長嶺在西北黎正都白石嶺脈從此出橫亘綿延頂有田一區其粟一穀二米同上

羣佃嶺在縣西一百二十里通臨高界下有外峒中峒內峒皆為熟黎所居阮通志

真武劍嶺在城西南一百二十里山形如劍龜蛇多出其中而未嘗毒人故名真武縣志

居託嶺在城西南一百二十里高五丈

筆架嶺在縣西一百二十里脈自居託嶺高十丈形如筆架

交椅嶺在城西南一百三十里形如交椅前有古道行人往來嘗聞鼓聲俱同上

澄江在城南里許其水澄澈隋因以名縣郝通志其源有二一為內澄江在城南源出瓊山

西石山至縣治東為九曲水過南門橋轉至西門橋亂石林立砥柱江流名曰裏灘迴

環二十五里北至東水港入海一為外澄江在城南里許源出瓊山石巖都至縣治倫

驛都合流環繞縣南名曰外灘圍抱流三十里亦匯東水港入海俱係小溪不通舟楫

蕭志灘上有橋為儋臨昌感要道探訪冊

那夾潭在城東十餘里石間泉湧成潭溢流與瓊之那洋陂合至陳公橋入東水港縣志

搏龍潭在城南十里水自倫驛沙吉村流經此成潭大清一統志相傳明景泰天順間有龍

躍潭中故名其水匯外灘入於海蕭志

鯉魚潭在縣南三十里泉出山穴瀦為潭深且澄碧中有異魚如鯉取烹之輒化為水其

流溢出達新安江阮通志

新安江一名龍安江在城南六十里源出五指山至定安縣曰建江至瓊山縣曰南渡江

蕭志

南渚江在縣南七十里源出西黎流入新安江縣志

南濱江在縣東南七十里源出南黎流入新安江

寶河水在城西南五十里合寶立水雙流曲如蟠螭會西峯水出石礮港入海

新田溪在縣南六十里源出文裔那托北畔合流至安寧入江

南坑水在城南六十里源出南莊山流入新安江

稍陽水在縣西三十里合倫驛南滾二水流入石礮港俱同上

南滾泉在縣西南三十里泉湧若沸流入石礮港蕭志

西峯水在縣西五十里會石礮港入海縣志

沙地水即那黎水在縣西四十里水色黑而毒涉者多皮裂往來皆以桶渡其流會石礮

港入海

南茂灘接外灘入海

東水港在城西北十里下受海潮上合澄江祥塘諸水潮起巨艦可直抵西門通潮閣後

俱同

石礮港在城西北三十里源合西峯沙地南滾稍陽四水會流入海蕭志

泉鑿港在城西北五十里附近有顏張港又十里為麻顏港又西為玉抱港臨高交界縣志

龍塘在城南七十里相傳有龍見於此同上

縣東井在縣東又縣吏舍井在縣西俱嘉靖九年知縣朱鑿鑿蕭志

縣西井明天順四年主簿伍細佐鑿

學前井明隆慶間訓導陸世卿鑿

永慶井在迎恩門外明洪武間知縣汪貴建寺鑿今寺廢井存俱同上

油行井在城北泉出田間清甘勝他井縣志

縣前井明洪武間知縣劉時敏鑿

道靈井在儒學東下街明時鑿

七里井在城東七里舊萬全都石罅湧泉久旱不竭

鹿公井在城內康熙間知縣鹿耿鑿旁有碑鐫鹿公井三字

瀑布泉在縣南四十里源自安寧流至嵩嶺東瀉下灘如瀑布聲響如雷

博市泉在舊多稔都自大勝嶺流出四時不竭

新村井在城東半里其泉清冽

東門井在分司東明萬歷間貢生李登鑿

滴珠井在城東十里獨珠山下泉滴如珠清冷徹骨

高公井在倫驛正都相傳明景泰間有高公者過此指其地掘之得泉甚甘冽一方賴之

龍寨清井在水南中都龍寨村泉味甘冽鄉人築亭其上

玉堂井在城西九里萬稔都

石泉在倫驛買弄村泉自石出盛暑臨之涼氣襲人

北岸泉在北岸廟前歲常竭當廟祭擊鼓三通泉輒湧溢祀事畢復竭

美滾泉在城西五十里旁有五丈石圍之泉清甘中多錦鱗游泳

文齋龍泉在文齋山下泉穴凡五湧為池昔人鑿石作五龍頭泉從龍口噴出旁有庵旱

禱多應

起龍泉在儋驛佛社嶺旁深二丈餘流通稍陽水相傳舊有龍起亢旱於此禱雨俱同上

新泉在城東半里以近新村故名水甘冽雖郡城浮粟泉不能過焉士人多踐污乾隆二

十七年知縣陳名儉鳩工補砌甃高三尺有記肅志

東巽泉在城南四十里王家都流瀉三丈餘四時有聲朝響則雨暮響則旱俗呼聖井

那陀泉在東水海港中潮滿浸過潮退湧出淡泉清冽如常井民共汲之

神頭泉一名馬蹄泉在城南十五里儋驛都舊傳有婦人騎馬至此地陷泉出今馬蹄跡

猶存縣志為馬蹄井

水曲泉在城南一百里南黎都四時常溫

南豔溫泉在城南一百里西南黎界青山嶺東溫可瀹雞豚俱同上

潭滂泉在城西十二里從石坎流出四時盈溢會石礮港入海縣志

定安縣

山

馬鞍岡在城南二十里許岡上多奇石一最高者若據鞍狀肅志

金雞嶺在城南十五里高三十丈相傳前有金雞鳴故名同上

邁本嶺在城西南十五里自西南蜿蜒過東北後時一小峯一名了髻嶺為縣主山大清

一統志

文筆嶺一名尖嶺一名李家嶺在城南四十里高二百丈明副使陳英築峰頂以拱縣庠

故名肅志

三嶺在城西南四十三里三峯脈絡相連

那危嶺在城西南六十里峯高百餘丈俱同上

石峽嶺在城西南六十里高六十餘丈海忠介祖墓在焉縣志

烏蓋嶺一名居腰嶺在城東六十里跨居腰黃竹二圖高三百丈頂上有泉不竭浮雲常

蔽其上與會同縣分界阮通志

牛象嶺在縣南五十餘里脈自烏蓋嶺來形如牛眠故名探訪冊

清寧嶺一名九曲嶺在城西南七十里高五百餘丈縣志

白旗嶺舊名白石嶺亦名高山嶺在城西南一百一十里高百丈相傳天陰雨則有白旗

懸於上蓋雲氣也蕭志

新寨嶺一名雙竈嶺亦名了髻嶺在城西南一百三十里高百餘丈元初曾立縣治於嶺下東為坡塘嶺亦名鐘垂嶺

紗帽嶺在城南百五十里高十丈多籐蘿荆棘

石塘嶺在城南一百六十里高三百餘丈巔有巨石泉流成塘

南牛嶺在城南一百八十里高三百餘丈遙連紗帽嶺與樂會分界俱同上

南閭嶺在城西南二百里一名三尖嶺高千餘丈連綿十餘里熟黎環居其下一大清一統志

思河嶺在城西南三百三十里生黎居之山極高峻黎人恃以為險同上

黎母山即光螺嶺在城西南三百八十里山極高常在雲霧中相傳雷破蛇卵中有一女

居此誕生黎類遂為黎母又云婺女星常降此故又名黎婺山蕭志

大五指山在縣正南四百三十里思河都界其高際天其廣莫測五峯如指屹立瓊崖儋

萬之間生黎盤踞其中郡之諸山皆其脈絡也同上

仙壇石在牛象嶺下豐樹園村中平地一峯矗立高三四丈形如飛鳥舒翼頂平坦喬木

暢茂明時嘗設祈雨壇於此其居人多壽採訪志

川

橋頭溪一在城西一里建有利涉橋源出南珠田小水北流入建江一在城西南二十里

發源文筆峯西流經巡崖會大江入海邑人王辰建橋曰永濟橋畔建文塔尙書王忠

銘公居其旁縣志

浦白江又名祿運河在城西七里源發南閭嶺經新寨畔北流入建江

巡崖溪在城東八里發源文筆峯經縣南轉東北入建江

潭覽溪源出李家嶺流經潭覽村又北入建江通志

市場溪在縣東一里源出南曲縣志

東溪即東江在城東十二里源自烏蓋嶺北流經長渦渡入建江蕭志

清潭在城北建江中相傳潭底有二石似龜又有五坭人縣令清則沙開成潭坭人可見

貪汚則沙淤人沒昔知縣吳定實羅昌邸時有廉聲御史潘季馴為羅作清潭碑記知

縣李傳春作亭鄭廷鵠有記

建江本名大江又名黎母江源出五指山江多大石不通舟楫流經臨高澄邁二縣境入縣界繞西北郭轉東北至瓊山縣爲南渡江至海口所入海元陞定安縣爲南建州因名建江

多河江又名思河在城南二百里源發大五指山東經樂會黎峒至本縣多河都名多河江流經會同縣合嘉積溪至樂會縣名萬全江由博敖港入海俱同上

烟雨潭在縣南五十里仙壇石下潭深十餘丈四周皆石底有一石狀如鼎山泉瀉入聲若瀑布天旱禱雨輒取潭水五日內甘霖必降探訪册

龍塘井在龍塘村水清甘不涸一方利之縣志

冰井在潭覽村水甘美大旱弗竭蕭志

學井二一在齋內一在齋外味俱清冽教諭梁廷佐修砌之

蓮井在城東門外甘冽勝冰井暑冷寒溫雖旱不涸俱同上

文昌縣

山

霞洞山與紫貝山對峙玉陽會紀詩云隔溪霞洞能舒眼即此山也縣志

紫貝山在城南一里高六丈上有紫雲庵庵前有紫貝泉泉下有釣鰲磯大清一統志

鎮田山在縣治左上有真武樓縣志

鳩坡山在城西南五里高十餘丈郡通志

玉陽山又名青山嶺在城西北十里爲邑主山高五十丈林木青翠泉水清冽上有神壇

遇旱禱雨輒應同上

雙合嶺在縣南十里前後兩山壁合縣志

蓮豆山在城南十里山有泉禱雨輒應舊傳有一香爐飛來歲久榕根纏裹鄉人祀之爲

神戴通志

奇嶺在城南十里與蓮豆山對峙形如覆鐘阮通志

飛魚嶺在城南十五里山勢聯屬若貫魚同上

周方嶺在城西十五里山形方正若玉几然縣志

靈方嶺在城西十五里縣志作三十五里上有神壇井泉禱雨多應蕭志

北泉山在縣東十餘里高二十餘丈山頂有雨壇鄉人祈禱多應縣志

蒼錫山在城西二十里

竹雞嶺在縣南三十里

周紫嶺在城南三十里山頂寬平土皆紫色

邁南嶺在城南三十里又名沙魚嶺俱同上

鼓樓嶺在城西南三十里高十餘丈上有二石左似牛右似鼈鄉人禱雨輒應縣志

鼓磜嶺在縣南三十里形如柱礎通志

南來嶺在縣南三十五里同上

禁山嶺在城西南五十里山有神靈草木四時青茂民禁不取蕭志

濬邱在城東北五十里東昆港水之北邱狹而長若埭者延亘六七里內一邱隆然深秀

宋知軍邢夢璜世居於此阮通志

銅鼓山在城東六十里高十餘里山勢雄峻挿天西則壘石飛泉東則懸岩臨海番舶望

影魂驚山下有龍神廟相傳諸獠鑄銅為大鼓置酒招同類若仇讐相攻擊鼓諸獠雲

集後瘞鼓於此鄉人掘得因以名山方輿志又謂鼓為馬伏波征交趾所鑄縣志

羅辰嶺在城南六十里同上

白檀嶺在城西南六十里高六丈餘又二十里為八角嶺高二十餘丈山有八趾盤踞數

十里先代築寨於此亦名八角寨阮通志

長侯嶺在縣東北九十里高三十餘丈上有大石叩之聲如鳴鈺北有鰲盤邱南有鷺鼓

石探訪志

觀音山在縣東北九十里高三十餘丈上有風動石東為蓮花峯西有桃子嶺

羅禮嶺在縣北一百里濱海有石羅列如人拱立俱同上

浮邱山在城東一百里屹立海中分潮水為東西流俗呼分洲洋阮通志

海月峯在縣北百一十里高十餘丈縣志

東搖山在城東一百里其鄉之民如猿猱然猱婦紡績吉貝布縷細密瑩白謂之布籠阮通志

志

抱虎山在城東北一百二十里高百餘丈山狀如虎左右旋抱故名北為虎村山南為東

獠山同上

紫帽山在縣北距抱虎山五里高三十餘丈東起三台峯掛榜山縣志

天塘嶺在縣西南一百二十里高三百餘丈中有瀑布泉流下成塘稍南為紅石嶺蕭志

紅石嶺在縣南一百二十里山石磊落多紅色縣志

焚樓山在城西北一百五十里近海岸周圍三里漢樓船將軍楊僕征黎至此焚船登岸

故名同上

七星山在城西北一百五十里瀕海高五百丈大小聯屬十餘峯數十里外視之止見七

峯排列朗映青烟因以七星名東有七星泉即名龍潛潭南有七星神祠明天啓時王宏誨

建塔於嶺之巔勝斗柄塔探訪冊

大嶺在七星之南相距三里高與七星並背東面西形家指為環抱郡垣非僅為一方保

障也

璃虎山土名狗鈴嶺在縣北一百六十里山頂圓淨西北懸巖臨海副使申大成巡洋見而異

之因狀其形改名璃虎山并撰記勒碑於上俱同上

白嶼山在城北一百五十里舖前港海洋中四面皆石中有沙隴遠望甚白一名白沙嶼蕭志

青嶼山在城北一百五十里調灘限頭之東去海岸二里許一島屹立林木蒼翠同上

七洲洋山在縣東百餘里大海中七峯連峙與銅鼓山相屬俱有石門上有山下有泉航海者皆於此樵汲元劉深追宋端宗獲俞如圭於此縣志

川

文昌江在城南源二一自邁南嶺一自龍潭分流至縣前而合上有南橋太平橋東南流

入清瀾港蕭志

龍灣在城西南八里中有龍舌洲一名烏欖灣嘉靖四十三年復起一洲相對又十二里

為黃棠灣水清而多魚同上

簸箕灣在多尋都遇旱網魚即雨縣志

白芒溪在城西北十里源自瓊山界上流有澁塘溪舊有橋曰白芒橋下十里至淮山渡

橋繞縣北東南流入文昌江

龍塘溪在城西四十里源自白檀籐竹經縣南橋會清瀾入海

黃竹溪在城南一十里採訪冊作四十里

龍潭在城西三十里大旱不涸南為石牛潭

東昆溪在城東三十里流經清瀾江入海

潭牛灘在城西北四十里上一洲中流卓立又有十數墩相傳潭多怪異中有石牛激

水聲震數里東流入籐橋溪

籐橋溪在城西北五十里東流入分水江

分水江在城北五十里西納籐橋溪北納黑溪左黑右白合東南流經文教墟又西南流

入清瀾江

清瀾江在城東南二十里合文昌江分水江諸水東南流入海

白延溪在城西南五十里發源白壇嶺流合南橋

三江水在城西北一百二十里其源一出馮銀坡一出水北都一出高墩會流六十餘里

由舖前港入海

長岐港在城南五十里潮長成港退則沙坡竈戶沿岸煮鹽

陳村港在城東六十里潮長則可泊舟退則為淺沙竈戶沿岸煮鹽

抱陵港在城東七十里源自銅鼓山又三十里為赤水港郭婆港俱發源東搖山四十里

為抱虎港源出抱虎山

清瀾港在城東九十里

大澤澳在城東一百里青藍都銅鼓山東明海賊倭番曾往來泊舟於此

銅鼓澳在銅鼓山下

石欄港一名北嶺灘又名木欄港在城北一百四十里港內亂石突出障水如欄中開三

門故名

北峙澳在騎虎嶺西水深山峙可泊舟

新埠澳在七星山下俱同上

舖前港在城西北一百五十里水自瓊山縣來納三江水入海商舶多集於此為縣咽喉

志通

觀音井在城南紫貝山下其水清甘大旱不涸相傳觀音像以汲水而得故名又名紫貝

泉縣志

學前井清冽味甘勝他井

靈泉在縣西北玉陽山麓泉湧不涸禱雨立應知縣馬日炳有碑記

老人井在縣東三十餘里青一圖井底砥平泉從石罅湧出味清甘旱不涸

海通泉在縣北三十餘里里老韓溪尾鑿旱不涸汲者時得海物蓋與海通也故名

鷗村沙井在縣南三十里深不踰尺廣不盈丈味勝諸井不以潦旱增減居民賴之

南園石井在鷗村井北五里天生自然深三尺圓如釜泉從石罅湧出

溫泉一名鹽水池在城南三十五里周百餘步冬夏常溫水浮草上晒之成鹽流經長岐

港入海

地福塘在縣東四十里青三圖廣二里袤三里水皆東流經水尾廟前入海塘上有墩鄉

人設壇其上禱雨立應

紫石井在縣東四十里井底紫石如仰盂旱不竭

瓊

州府志

卷四上

輿地山川

十七

瓊州海口海南書局印行

牛路窟在縣東五十里上建雨壇禱雨立應

仰高泉在東瓜市西中有石竇數處泉噴起常溫俱同

魚爺井在城西五十里那郭都水極清相傳泉與海通中有巨魚頭白俗呼魚爺志

石櫃井在城北五十里南溪都抱羅山一石如櫃旁皆石巖舊傳其泉與海通同

榕井在縣治西何恭都四圍石片生成下廣丈餘天陰羣魚激水而鳴旱不涸井上有榕

故名縣志

月邊塘在縣北八十里犢一圖泉湧不竭

五靈井在縣東北九十里逢旱人多往汲

清心井在縣東北九十里深二尺許泉湧不涸味清甘知縣郭象升過飲名曰清心

高頭井在縣北百二十里南五圖衆村常汲不涸

廖公堤在南溪都縣丞廖義寬築障海水使不入田道光十一年邑紳謝信垂等募修俱

上

石鼓井在城北一百五十里林鉄村田中六石環起宛若砌成徑六尺許狀如鼓泉清淺

可掬夏冷冬溫大旱不涸蕭志

七星泉在縣北七星嶺東土名龍潛潭深無底累次龍從潭起土人於風雨騰沸中髣髴見之每值龍起潭亦增廣數十畝云遇旱禱雨多應同上

會同縣

山

端山在縣治北高丈餘北城跨其上郝通志

南塘山在城南一里拱向文廟明時改名玉几案大清一統志

瀚塘山在城西北五里高二丈許郝通志

望縣嶺在城東五里文昌官路經此可望縣城故名縣志

戊子嶺在城東五里端趙都

西村嶺在城西北五里端趙都

山樵嶺在城東五里陟巔東望滄海渺茫

黎竹山在城東六里端趙都

雞鼻嶺在城南十里積善都俱同上

馬嶺在城東十里高二十餘丈山勢如馬蕭志

白鶴嶺在城北十五里高十餘丈西連西村嶺阮通志

何魯嶺在城東二十里高五丈許突起高峯東有石巖登之可望大海名曰山海奇觀洞

廣東輿圖

文囂嶺在城東北二十里高二十餘丈郝通志

報捷山在縣南二十里又名大石埠縣西北諸水經此出溪口有石數枚狀如遊魚相傳

邑有獲雉者水石相激聲聞數里縣志

土城嶺在城東南二十里相傳前朝曾立城於此今微有遺址

韜甲山在城東二十里高二丈餘下有池深數丈廣里許泉湧澄清

多異嶺在城東南二十里高百餘丈數山相連中多怪石奇巖上有井遇旱禱雨多應

水尾山在城北二十里高十餘丈連貫七山又名七星嶺

大水嶺在城東二十里太平都

何知嶺在城南二十里積善都

偷桃嶺在城西二十里積善都

木寨山在城北三十里嘉會都

梅嶺在城北三十里嘉會都

嶺飛嶺在城東三十里相傳上有仙人洞俱同上

西崖嶺在城西北三十里高十餘丈為縣主山阮通志

山雞山在城東三十里高十餘丈地沃可種檳榔

鍾祿山在城西北三十里高十餘丈與定安接壤又名小祿山其下澗水出焉俱同上

青晚山在縣北三十里路通文昌定安大清一統志

水滴嶺在城北四十里上有大石水滴瀝可灌田亢旱不涸縣志

佛子嶺在城東南四十里山勢高峻俯臨大海蕭志

天塘嶺在城西南一百二十里有瀑布飛泉下流成塘流出縣界大清一統志

浮鴨墩在城北四里溪中廣數尺高不及田堤水漲墩頂不沒若浮鴨然縣志

大奇石在城西南十里高三丈周圍六丈蕭志

風動石在多異嶺形如卵闊可丈許盤石盛之人不能移風噓之竟動縣志

海潮巖在多異嶺廣百餘步高約數十丈空曠如室可容數十人東望海潮水天一色

應聲石在城東二十里二石層疊高數丈許人對之笑語皆隨聲響應故名

五星石在城西二十里許五方壁立狀如五星

印箱石在城東二十里塘邊於數十里平沙中突起一石高不逾丈廣不過圍上圓下方

極其秀雅俱同上

川

大塘水在城南門外寬四里許中產蓮舊傳源出黎山分流瀆為巨塘水旱不竭阮通志

滴盆溪在城北五里源出定安烏蓋嶺屈曲流至縣北轉西南入樂會縣萬泉河

水頭溪在城西北十里源自白鶴山南流入滴盆溪

嘉積溪亦名南瀚溪在城西北十五里源自定安石塘嶺東南流至嘉積都入樂會萬泉

河俱同上

黎曹溪在縣西北二十里永安都源出石牛村與白鶴溪合流探訪志

龍角溪在縣西二十里永安都源出定安與樂會大溪合流

合水溪在縣東二十里太平都二水合流一清一濁俱同上

天塘溪在城東北二十五里源出文昌天塘嶺流入漓盆溪阮通志

留古溪在縣西三十里積善都源出定安山澗流合樂會大河縣志

港門港舊名調懶港在城東南三十里何魯嶺水從此出潮長堪泊舟潮退則為淺沙竈

戶糞鹽其傍蕭志

鬼顛港在城東三十里源出多異嶺小澗合潮成港縣志

望白港在城東四十里太平都同上

歐村港在城東北四十里源自文昌白檀嶺東南流至此入海一統志 山雞山有水從港出

港口有歐村墩黃通志

溫洋溪在縣東四十五里太平都源出黎竹山經南蛇塘與大水嶺溝合流探訪冊

大橋溪在縣東四十里太平都至歐村港入海

馮家港在城東北七十里港門曲折外多巨石

斗牛埠在太平都近調懶

門港埠在太平都近斗牛埠

草塘埠在太平都港門上俱同上

學宮井在敬一亭東知縣戴捐訓導梁英裘鑿蕭志

天星井在永安都祈雨多應

多異井在太平都多異嶺祈雨多應俱同上

樂會縣

山

陰陽山平坡突起周廣七里山形奇偶相生土石相半萬泉流馬二水環抱即今縣治寔

宇記云在縣境內時未遷縣故也阮通志

雷撲山在城東二里萬全河之南對峙者為印山大清一統志 小阜高不及二丈相傳雷擊

其巖故名郝通志

印山又名應山在城西北二里萬全河中流屹立周遭有沙護之水漲若浮印然阮通志

掛榜山在城東二里高三十丈橫亘數里形如掛榜蕭志

香爐山又名南山在城南三里高二十餘丈峯巒秀狀若香爐縣治學宮皆向之上

廟山嶺在縣西三里高六丈餘峯巒挺秀鄉人多於此設壇禱雨縣志

龍磨邱在城西三里平地突起石邱廣丈餘可容數十人俗傳龍磨角其上

虬潭嶺在縣東七里脈自掛榜山蜿蜒東行特起三峯與汀洲對峙

汀洲嶺在城東八里大河中高五丈旁有蓮花峰對峙石盤疊出水面如蓮花然木石交

翠可愛

邁州嶺在城西北八里高二十五丈嶺起五峯俗謂之五魁案下有廟山嶺俱同上

加峰嶺在城北八里高十餘丈蕭志

官園嶺在縣南八里狀如椅近南即官路縣志

大嶺在縣北九里平地突起巨峯

石母灣嶺在縣西北十里高十餘丈下有深灣

三山神嶺在城東南十二里高四十餘丈上有泉曰金牛井四時不竭旱禱輒應

博敖嶺在城東北十五里高十餘丈

金牛嶺在城東南十五里聳峻凌霄海舶望之以識方隅山北屬樂會山南屬萬州故萬

州志亦載此嶺俱同上

聖石峯在博敖港高十餘丈屹峙港門相傳古時海濤洶湧沙磧逼隘或南或北迄無定

所海舟常有覆溺之患宋天聖間其石突見故名大清一統志

北偏嶺通志謂之西偏嶺在城西北十八里高十五丈狀若龍首山脊半里皆黑石峻嶒若龍鱗

然黎盆水前邊之下有北偏村又名龍見石蕭志

探花嶺在縣西十餘里脈發白石嶺峯巒圓如覆釜縣志

石門嶺在城西三十五里高十餘丈兩石夾峙望之如門同上

白石嶺在城西四十里高千丈峰頂有巨石色蒼白形狀各異東如伏虎西如蹲犀南如

筆架北如竹笋上有田數畝可耕中有巖峒極幽邃可容數十人又西二十里為油麻

嶺蕭志

石龍嶺在縣西四十里與黃土烏蓋諸峯聯絡若貫珠然縣志

西岸嶺在城西北四十二里高二十餘丈林木陰森蕭志

三道嶺在城西北五十餘里自定安紗帽嶺逶迤而來突起三峯狀如盤龍

風門嶺在城西南七十里高百餘丈有瀑布懸流早久聞聲響則雨山跨萬州樂會界為

諸黎出入咽喉之地俱同上

油麻嶺在縣西七十里脈發黎婺山縣志

山心嶺在縣西白石鄉脈自油麻嶺絡繹橫亘三峯聳峙

龍巖嶺在縣西百里高數十仞巔有石池水深不可測旁有巖洞若室清曠幽雅人號曰

通天洞

雙髻嶺在城西一百二十里兩峯插天如雙髻然又名黎母嶺俱同上

縱橫嶺在城西二百四十里高插雲霄橫亘甚廣黎人所居廣東輿圖脈自五指山峯巒險阻

溫泉河出此大清一統志

川

嘉濂小河在城南十五里岸側有溫泉又名溫泉河其源自西黎峒中東流至金牛嶺下

合萬州龍滾水自博敖港入海蕭志

博敖港在城東十五里合萬泉流馬諸水出海岸有聖石又有三江廟宋時建

萬泉河在城西北二十五里源出五指山北接安定多河江及會同瀉盆嘉積溪諸水流

至縣西分南北二支一繞縣北仍名萬泉河一繞縣南別名流馬河亦名南門河至縣

東北雷撲山下復合流至博敖港入海俱同上

流馬河在城南流自東北由撲石合萬泉水匯為縣南通津即今南門河縣志

西門河在縣西門外乾隆初曾設稅館於此今流淺舟楫不通

北門河在縣北關外一里許

龍滾河在縣南二十五里發源萬州六連山合溫泉達博敖港入海

上寨河源自五指山分流遶白石合萬泉入博敖港口瓊山諸邑往來通津王氏設渡於

此

泮地在城內東街廣五十丈袤二十丈不假開鑿而成四時水皆澄碧人謂天然泮池學

宮向之

黃泥江在縣西七十里源自五指山通萬泉河入海

溪曲江在縣西七十里源自龍巖嶺通嘉濂溪至山尾入海

北偏溪在五水淵下溪有巨石俗名鍋蓋邑人建聯魁塔於其上

田頭溪在龍塘港上流旁有石山如壁邑人於其上建塔名曰文筆

停鳳塘在縣西四十里怪石層疊狀如龍鱗中有塘大小六口深丈許芟荷最盛俱同上

學門井在泮池西泉從石出清而甘有碑題曰鳳池瀚泉縣志

溫泉有二一在城西三十里上北偏鄉泉如湯沸可瀹牲一在縣西五十里白石鄉

龍堀水在縣西二十五里兩岸高峰一水橫穿湧出深潭舊名雞籠塘崇禎三年有龍起

於潭故名龍堀俱同上

黎盆水在縣西北偏嶺下匯為龍塘港達萬泉河阮通志

萬年安井在泮池東南嘉慶十六年官民重修有碑縣志

探花井在崇文鄉探花嶺南深不盈尺下生白沙泉湧沙躍如花其味甘冽貯之半旬不

少變

佳泉井在崇文鄉仙豸村東味甘美亢旱數村取汲不竭

浴德井在干埔村旁有巨石一極平厥韋蒼盤題曰道濟如許

香泉井在淳行鄉中原市西清甘不竭

接泉井在淳行鄉沙田村

紫荆井在順義鄉北偏村將雨井上石有流若汗歲豐井中禾氣蒸出其旁有紫荆樹因

名

沐龍神井在執禮鄉大校場坡井底皆白沙泉味甘美較勝諸井井深廣僅尺許亢旱取

汲不竭邑令姬光壁題碑曰靈雨既零

石龍井在嘉興屯烏石埔村

石盤井在白石鄉俱同上

臨高縣

山

落雲嶺在城西南十里一名寶墩高二十餘丈郝通志脈自那盆蜿蜒而來勢不甚高將雨則雲先於此大清一統志

毗耶山在城西北十里縣志作二十里一名高山高五十餘丈志通山頂有蟲狀似天蛇俚人呼為毗

耶寰宇記縣北有毗耶山神每黎人叛則神驅蜂以禦之官軍大破黎人輿地紀勝上有吞人石

其神靈顯縣令歲祀之黃通志外紀又云毗耶蟲名也作毗耶聲謂之毗耶山多此蟲故

名蕭志

龍嶺在城東十里自羅盆迤邐而東勢若游龍同上

特拔山在城北十五里毗耶分支大清一統志

耶倫山在城南十六里高十餘丈下有耶倫村同上

灘神峒在城東南十九里邁龍村灘中聳一巨石高廣二丈旁有穴昔人於石上築壇祈

禱久旱灘響必雨久雨灘響必晴黃通志

峨香山在城北二十里高聳入雲鄉人立營其上以覘海寇大清一統志

那盆嶺縣志作羅盆在城南三十里脈自五指山來高四十丈一峯高聳而圓狀如覆盆下有

買愁村宋胡銓謫崖過此有詩云北往常思聞喜縣南來怕入買愁村廣東輿圖

羅喝山在城南六十里高二十餘丈蕭志

夏沙嶺在城東南六十里阮通志

卜姓嶺在城南八十里下有卜姓村同上

林司嶺在城南八十里蕭志

馬鞍嶺在城東八十里高五十餘丈形似馬鞍綿亘數里界接澄邁又名秋陽嶺同上

武和山在城南一百二十里口蠶村縣志

討論嶺在城南一百二十里同上

背腰嶺在城南一百四十里黎峒中高百餘丈周四十餘里生黎皆背山腰而居故名阮通志

大江嶺在城東南一百八十里縣志作百二十里近生黎地大江經其下故名有泉水流入江

番豹山在城南黎峒中縣境諸黎皆以番豹山為險路僅容一人俱同上

川

縣前江縣志作臨江舊名抱甲江發源背腰嶺遶縣從西南轉東北合透灘水由白人頭灘達

博舖港入海

美龍灘在城東十里水自透灘至此合流從大石上瀉下高數丈形如曳練下有潭深不可測灘流合縣前江又潭旁有巨石可坐白人鄉人每歲二月會此祭神同

百人頭灘在城東北十里灘中巨石嵯峨水自縣前江至此盤石激流聲聞數里北流會

於博舖港入海本名百仞灘通志

烏石港在城北十五里蕭志

透灘水在城東南二十里源自那盆山出美龍港合縣前江達博舖港入海

硃碌港在城東二十里

博舖港在城東北二十里納縣前江透灘諸水至港口入海

博述港在城西北二十五里

龍潭在城西北三十里相傳曾有龍出其中旁有龍廟宋時建為祈雨之所又名龍塘水

溢流達博白港入海俱同上

石牌港在城東北四十里舊名三家港東西約五六里絕無風濤之險海寇多泊此為患

縣志

黃龍港在城西北四十里蕭志

博頓港在城西五十里水自儋州至此入海西岸屬儋州東屬臨高

呂灣港在城西五十里

博白港在城西北五十里源自西龍潭溢流入海

新安港在城西北五十里

東黎江在城東南六十里源出澄邁白石嶺流經武隴等村復出澄邁伍關村合大江入海

馬長港在城東北六十里水自那虞都經下水歷臨機長村達此入海

大江在城東南一百八十里源自五指山由縣境流入澄邁曰龍安江至定安曰建江至

瓊山曰南渡江俱同上

公館前井在城西蕭志在城東原海南道廨舊址井深尋丈汲者甚衆大旱不竭縣志

麗澤井在儒學明倫堂右訓導羅啓相浚居民咸資汲飲

甘泉在城東北僅一武知縣樊庶捐浚以資居民汲飲

龍井在城西十五里昔傳有龍起其中因名汲之不竭俱同上

湧泉在縣西一里一名淨覽泉又名靈泉石泉三孔湧出不竭蕭志

那泥井一名牟尼井在城西三十里宋慶元丙辰大旱諸水皆涸僧和靖指此地鑿之得

泉大旱不竭

澹庵泉在城西四十里宋胡銓謫崖時過此得泉味極甘冽里人戴雄飛立石書澹庵泉

三字郡佐方世功記

冷熱泉在城西南一百里源自討論嶺水分冷熱故名俱同上

儋州

山

南臬山在州南十里高三丈半岡蒼翠可挹阮通志

馬蝗山在州東二十里高二丈半岡蜿蜒形如馬蝗同俗傳漢時曾屯兵於此後人每掘

得銅鉞刁斗之屬地多鬼火陰晴出沒蓋古戰場也輿地紀勝有黎郎岡在宜倫縣東

三十里疑即此大清一統志

黎粉山在州東二十里高十丈土石潔白如粉蕭志

凌霄山在州北二十里高五丈宋僧和靖蛻化處今為凌霄福地郝通志

松林嶺一名儋耳山又名籐山在州東北二十里高約八十丈為州主山舊多松樹峯頂

圓聳土石各五色蕭志上有博望臺下有石巖宋高僧和靖仙人白玉蟾俱修煉於此阮通志

志

黎毗山在州西北三十里高九丈與松林嶺斜峙古有黎毗二姓居此故名土人因下有

那細村又名那細山蕭志

黎曉山在州西北四十里高二十丈山勢向陽故名黎曉其下居民多習儒又名德義山

龍門山在州北四十里高二十丈海岸兩峰聳峙狀如門可泊舟上有石窟外狹中廣虛

空透風名曰風門可容數十人相傳昔有蛇潛其間化龍而去又名蛇虺穴

雙峰山在州東南五十里高五丈岡上兩峯對峙故名

獅子山在州西北五十里海濱一名神尖山高二十丈石峰狀類獅子上有貞利侯祠又

一石在海中名獅子唇舟過必禱

那騫山在州東北六十里高二十丈

輔龍山在州東北六十里高二十丈宋丞相趙鼎南遷經此稱為松林之輔山故名俗呼

抱社嶺

落基山在州東六十里高二十餘丈熟黎居之

憑虛峒在州南八十里崇山峻嶺舊設土舍捍禦今為熟黎所居俱同上

分高山在宜倫縣八十里阮通志

昭山在宜倫縣

筆架山在州南一百里生黎界三峰聳峙常起雲霧

透幕山在州東一百里高百餘丈熟黎居之外界即生黎地

沙鍋嶺在州東南一百里生黎界形似覆釜極高峻上有池下有澗泉極甘美

七坊峒在州西南一百二十里崇山峻嶺舊設土舍捍禦今為熟黎所居俱同上

瓊

州府志

卷四上

輿地山川

二十七

瓊州海口海南書局印行

川

倫江在城北門外義倫縣以倫水為名發源黎母山續合諸水來繞城北西流十里為大

江至新英浦與新昌渡水各流復經洋浦入海阮通志

大江在州北一里發源黎母山至那騫山分二支一支名榕橋江西北流由頓積港入海

一支西流經天角潭至黎粉山分而為二繞流城北至龍潭復合又會東坡塘水由洋

鋪港入海有大江橋橋北有問漢亭宋時建胡銓命名蕭志

新昌江在州東十里源出黎峒經城南至新英港會大江入海俱同上

石牛潭在州東八里深不可測水中有石如牛蕭志

徐浦江在州南二十里發源黎峒流合新昌江入海蕭志

天角潭在州東二十五里其深莫測相傳明成化間有龍起於此同上

榕橋江在州東北三十里下至頓積港與潮合州志

頓積港在州東北三十里蕭志

新英港在州西三十五里知州羅傑築長堤於上以利涉者其北又有洋浦港

禾田港在州北四十里港東有田膏腴宜禾俱同上

莪漫港在州北四十里中有三十六泉潮長則巨浸瀾漫潮退則清泉湧出大清一統志

田頭港在州西南四十里田頭村之西源出落賀黎山流經田頭驛入海又十里為沙溝

港又四十里為煎茶港蕭志

黃沙港在州西北四十里又有南灘港漁利多資於此同上

大村港在州西南八十里源出黎母山流經七坊峒至大村分南北二港入海阮通志

大員港在州南一百二十里源自北黎村經此入海蕭志

小員港在城南二百里流經洋浦入於海

乳泉井在城東南隅天慶觀前宋蘇軾居此得泉味甘色白如乳作乳泉賦俱同上

坡井在城西儒學署右東坡夜半與諸生王霄輩攜瓢飲之味極甘美大旱不涸州志

相泉在州西十五里宋丞相趙鼎謫吉陽軍過此遇旱渴甚鑿井得泉瀕海潮長則鹹退

則清甘後知軍事方汝運作亭於上匾曰明秀戴通志

清水池在州南隅舊植荷四時不絕有亭曰臨清宋蘇軾有詩胡銓李光常遊之今廢蕭志

瓊州府志

卷四上

輿地山川

透嶺井在城西北十五里泉潔白如乳亢旱來汲者極十里之遙州志

滔泔井在城西與淪水通有人以竹置井中於倫水得之俚人呼竹為滔泔故名寰宇記州

有白馬井唐咸通中命辛傅李趙四將部兵來瀟灘船過海兵馬渴甚有白馬以足跑

沙美泉湧出輿地紀勝白馬井即滔泔井也阮通志白馬井在州西南三十里世傳漢伏坡將

軍乘白馬至此跑沙得泉因為井鄉人於井上立廟祀之蕭志

羅懷井在州西北三十里州志

松臺井在州西三十里明正德間鄉人陳文澤鑿泉清澈底雖極旱湧出濟人同上

城南池在州南通志

五星池在州城內東隅一西隅一州治後一關廟前一西北隅一州志

昌化縣

山

小豸嶺在城東五里高六十餘丈其形如豸其下平曠土沃泉甘阮通志

大陳山在城西北十里狀如華蓋高五十餘丈昔有大陳黎人居此因名東連三板山高

四十丈有石船石龍形甚奇險蕭志

象石在城東十里高十餘丈石如牛形鷹嘴象鼻擊之其聲如磬旁有石鼓同

峻靈山在城西北十里舊名神山高百餘丈上有二石如人形相傳有兄弟向海捕魚化為石號兄弟石又有石若冠帽乃二兄弟所遺及石池石船乃其所遊乘者側有橘柚

甘香云不可攜去攜去即黑霧暴風駭人池中有魚亦然土人嘗於此祈禱東坡有記見藝文南漢封山神為鎮海廣德王宋元豐五年封峻靈王下建峻靈祠阮通志舊志云峻

靈山上有落膊岡大清一統志

馬嶺在城南三十里高五十餘丈形如馬蕭志三峯連聳延亘海濱形如天馬上有石鼓

大清一統志

筆架山在城東北三十里三峯並峙如筆架高百餘丈蕭志

九峰山在城東南六十里高百餘丈九峯峻聳盤旋百餘里相傳有黎婦生九子皆為峒長故俗又名峨娘九峯山同上

川

昌江在城南十里源自五指山西北流會古鎮州水及九峯溪至縣東南居侯村分南北

二支南江西流經赤坎村南出會潮成港名南崖江北江流繞縣南又西流至烏泥

浦會潮成港名北港俱入於海阮通志

沙洲港在城西二十里納北江水蕭志

烏泥港在城西北二十餘里大潮可通海舟

英潮港在城西南二十五里

棋子灣在城西北三十里大陳山後海濱有小石圓肖棋子灣上有淡泉自沙中湧出海舟常泊此汲之

龍潭在城南三十里馬嶺東俗傳有龍伏其中旱禱多應今塞

南港即三家港在城西南四十五里納南江水又有大員小員大村三港郡舊志編屬儋州以州轄昌化而州界至昌江也

神泉在城北十里神山嶺下味甘冽烹茶可療疾雖旱不竭

仙井在城東三十里鵝頭嶺下泉從石中湧出久旱不涸俱同上

崔公河昌城瀕海水鹹澁嘉靖八年指揮崔瀛率軍民自城南九里開墾接昌江水導之
順流而西遶城達烏泥港入於海民利灌汲名曰崔公河縣志

萬州

山

東山在城東北二里高數十丈周六里餘上有巖宋人刻華封二字又有靈照巖維石巖
七曲峒有磐石廣數十丈號補天石南峙一峯巨石上復疊一石西有石筍高三丈元
監郡大都書攀鳳二字巖外刻珠崖第一山五字近大路二石削立如壁內有大巫峽
小巫峽諸名勝明正德間州守徐忠建偕樂亭於旁又有魯亭黎順亭周公愛亭回山
堂石林山堂祥雲講堂文宗堂貞烈祠及鄉賢祠蔡公祠八蜡祠萬歷三十四年進士
梁必強創度仙橋可登絕頂百戶王鳳翔又建觀音堂蕭志

山尾嶺在城南四里下有二石壁立州志

山後嶺在城東南五里形如箕同上

銅鼓嶺在城西南八里昔有人掘得銅鼓故名平地突起二峯祿蓋溪出此阮通志

瓊

州府志

卷四上

輿地山川

三十

瓊州海口海南書局印行

馮家嶺在城西南十里慶雲都州志

六峯山在城南十里有寺康熙間建同上

赤隴山在城東南十里高六丈餘又名赤龍山蕭志

把抱山州志把作扶在城東十里通志作十五里高十餘丈形如獅子

銅盤嶺在城西十里三峯突起勢極雄壯為銅鼓來脈

劍門嶺在城西南十里峯勢如劍有石鑿凌雲山三字俱同上

馬坡嶺在城西十二里形如覆鐘州志

荔枝嶺在城北十五里多輝都

橫嶺在城西十五里思馬都

大塘嶺在城東西二十里近海俱同上

南陵山在城西南二十里高十餘丈又十里為青籐山上產青籐蕭志

高山嶺一名橫柵嶺在城西北二十里高百餘丈巖有巨石旱禱之水滴即雨

小南山在城南二十五里上有普光巖梵天壇嘉靖間州守劉華禱雨入巖中刻同雲洞

三字稍東爲保定嶺

龍標嶺在城南三十里形如覆釜爲州學案山舊名牛標嶺俱同上

翁墳嶺在城東南三十里上有石椅石船石龜州志

樟樹嶺一名新潭嶺在城東南三十里半在海中峯勢峻峭石上有人馬跡沙擁則歲豐

痕見則歲歉中有泉出極清冽前後有兩澳可泊舟蕭志

石牛坡在城北三十里上有石狀如牛相傳石牛嘗夜食田禾人鞭擊之今痕尙在州志

獨洲山一名大洲嶺在城東南五十里海中峯勢插天周圍六十里州治向之亦名榜山

又名獨洲洋海舟多灣泊於此南番諸國進貢每視此山爲準的蕭志

馬鞍山在城西六十里兩峰對峙高插雲表爲州主山以狀肖馬鞍故名上有井極深中

有魚蚌山多柑橘相傳上有彩雲見則州出科甲胡公銓改名雙華山

六連嶺在城北六十里六峰連續如旗爲州後障內有荒田麋鹿攸聚名鹿市又有石洞

如屋可容數十人俱同上

連枝嶺在城東北七十里五峰疊峙下有三石室大清一統志

南萬嶺在城西南八十里高峯聳拔遠接黎峒諸山上產楠木南椰蕭志

風門嶺在城北八十里兩旁石壁如門路經其中空谷深邃與樂會縣分界黃通志

金牛嶺在城東北一百里相傳有金牛常夜放光舟人每望見之上有井泉泉旁石有牛

蹄跡與樂會縣交界同上

馬尖嶺在城西南百一十里州志

尖嶺在城西北一百六十里接連有香根黎峒加小黎峒禁山屯皆熟黎所居郝通志

鷓鴣啼山在城西一百八十里熟黎居之界外即生黎地脈自黎母山來山中多鷓鴣故

名大清一統志

喃勝峒在城西北二百里生黎居之蕭志

獨珠山在南海中形如珠故名州志

七里墩在州後北門洋同上

川
金仙河在城北二里源出黎山流至州城西北十里坡塘溪分支爲四一經城北三里曰

金仙河河畔石盤上有人馬跡葫蘆痕相傳交趾道士煉丹於此繞城由東山入周村港一經城北十里曰石狗澗即恒朗灘又名馮吳溪旁有石形如狗澗西高邱登之可望山海其水流入周村港一經城北二十里曰白石溪東流亦入周村港一經城北三十里曰蓮塘又名小渡港亦入周村港蕭志

陂都溪在城西北十里流經龍滾渡與海潮會為陂都港

踢容河在城西十里源出南萬嶺東流至城西南三十里曰都封水至城西南十里分為二支一從銅鼓嶺下經城南七里曰大溪水一名南渡溪又名三曲水東流合金仙河入周村港一經小南山河東流由小海港入海

石龜河在城西十二里源出南萬即踢容河上流河中有石形如龜水流冲激聲響如鳴鼓

周村港在城東十五里又名小海受金仙踢容諸水共入港門港

馮吳溪在城東北二十里源出橫柵東流入港

白石湖在城東二十里湖內有大盤石二方廣二丈許遊客多登臨之

南陵水在城西南二十里源出南陵山東北流入踢容河俱同上

東澳在城南二十里通陵水港客舟往來多經此州志

前後澳在城東南二十餘里樟樹嶺下南為前澳北為後澳蕭志

小海港一名港門港在城東二十五里總納周村港所受諸水入海港門二石夾峙上有

石神小廟雖通舟楫地險難泊

南港在城東南三十里通志作一百五十里

南山河道屈曲入海明嘉靖間洪水驟發自南山至保定直穿稅田成河知洲林壘築

堤導流水始由舊名曰大官壩俱同上

都封水在城西南三十里州志

龍滾河在城北八十里源出六連山東北流經樂會境入博敖港蕭志

長沙海石塘海俱在城東外洋古志云萬州有千里長沙萬里石塘然俱在外海海舟觸

沙立碎入港多無出者人不敢近莫稽其實同上

洗臉塘在城西一里人嘗於此洗臉故名州志

白水塘在城西南三里

清水塘在城北五里

龍滾塘在城南十五里相傳嘗有龍躍此

凹塘在城西五十里中有石狀如牛天將雨即鳴後為雷擊其耳角遂不復鳴今其旁更

生小石一形亦如牛

道前井水清冽各官署用之俱同上

水月堂井在城東東山下味異常水蕭志

鐵鑪井在城南濠邊士人所鑿

保抱井在城南七里石穴湧泉鄉人陳天祥琢石甃為圓井常盈不涸

石井在城西北十里大旱不涸

有本泉在城東十二里東山石壁下元侍御史邱世傑偕書院山長劉復初遊其地題曰

有本泉

熱湯泉通志作溫泉在城西四十里許平地中泉湧如沸俱同上

陵水蘇

山

獨秀山在城西南半里高八丈餘矗立如筆又名文筆山蕭志

筆架山在城南一里高十餘丈

南山在城南一里高十餘丈

博吉山在城東二里即大河嶺高三十餘丈下有博吉水俱同上

獅子山在城南四里即長水嶺高三十餘丈狀獅子縣志

木棉墩在城東五里大河分流墩峙其中為一縣水口之鎮蕭志

黎苗嶺在城南五里高十餘丈

靈山在城南十里一名多雲嶺旱禱多應高二十餘丈

週祿嶺在城東十里為水口關鎖上有神廟禱雨多應高十餘丈俱同上

九齡嶺在城東北十餘里脈發南峒嶺至此突起數峰官道經其下縣志

多艾嶺在城西南二十里脈發小五指山崔巍聳翠為縣治祖山同上

南邁嶺在城北二十里高二十餘丈通志

九所嶺在城南二十餘里高插雲霄香籐多產其上縣志

南峒嶺在城東北二十餘里脈發五指山峰勢聳拔高插雲表同上

聲山在城東三十里入山中作語虛谷應聲高五十餘丈蕭志

大小牛頭嶺在城東五十里臨海兩山對峙如牛角高三十餘丈一甚險峻名大牛嶺一

稍平易名小牛嶺中產堅木明成化十年副使涂斐鑿石開徑萬歷四十六年修平之

國朝康熙二十四年知縣楊來鳳重修乾隆二十九年署縣陳均修治並建可中亭

以憇行人縣志

赤嶺在城東南五十里同上

加攝嶼在縣東四十里加攝澗外大海中一島特立舊為萬州南山之界亦名分界嶼

大清一統志

雙女嶼在縣東五十里大洋中二山對峙如人周數十里有淡水井商舟往來汲焉同上

後落嶺在城東南五十里海濱高三十餘丈蕭志

楊梅山在城東北五十里高二十餘丈地多產楊梅同上

紅鐵嶺在城北六十里脈發牛嶺縣志

九曲嶺在城東北八十里脈發紅鐵嶺同上

多碌嶺在城東北八十里高三十餘丈山勢崎嶇多石蕭志

大祿嶺在城東北八十里自第一尖嶺至此皆巖巖險峻中有萬陵往來要道甚崎嶇邑

貢生王鳳元等捐修石路行人便之縣志

第一尖嶺在城東北九十里脈發青籐嶺上有巨石如印笏

青籐嶺在城北九十里脈發紅鐵嶺常產青籐故名

大灣嶺在城東北九十里脈自玉屏峯形如天馬元遷縣城於其麓舊址猶存

玉屏峰在城東北一百里脈發青籐嶺狀如屏

圓大嶺又名尖峯在城東北一百里脈自玉屏峯山勢高插雲表

舊村嶺在城東北一百里中有路為萬陵要道

文筆峯在城東北一百里

席帽峯在城東北一百里宋時建博遼縣於峰下

謝來嶺在城東北一百里相連有羊豪嶺與萬州接界俱同上

小五指山在城西一百里生黎峒中與崖州接界脈自五指山至此挺立數峯黎人環居

其下有溫郎嶺脚二峒明嘉靖中征黎嘗分奇兵出此大清一統志

獨秀石在城南一里石屹立如笋乾隆間知縣喻寶忠刻隸書獨秀石三大字縣志

鸚鵡石距城三十里大壩山麓形如鸚鵡歲旱禱雨輒應

鐘鼓石在城西北鴨羅鄉高二丈餘扣之其聲鑿鑿

石室在城東北橋山村石甚大中空若小室相傳仙人藏經處上有名山石室四大字

蛇蛤石在城西六十里麻雜鄉數石蜿蜒相聯屬狀如蛇又一石似蛤頭尾耳目逼肖

靈龜石在城東北一百里天寶寺前溪中溪漲石如龜遊水上故名俱同上

川

大河水在城北一里發源大五指山東流繞縣經博吉山下至木棉墩由水口港入海又

北一支曰小水河蕭志

龍潭在城北一里餘大河小河之間舊傳有龍起因名

陵柵水即大寨溝又名陵柵水在城北十里源自南邁嶺東流至港坡港入海北十里曰

巡司澗又北十里曰南峒澗稍東為田頭澗又有楊梅澗俱發源於黎峒

水口港在城東十里為縣水口所出旁有週碌嶺

港坡港在城東十五里俱同上

黎庵港在城東三十里淺隘多石船不能行港畔設有營汎縣志

桐栖港在城南三十里一名鹹港又名南山頭港明萬歷十七年海賊李茂黨入寇由此

港副使孫秉陽破之兩岸設有營汎砲臺通志

加攝河在城東北三十餘里源自黎山東南流入海與潮消長行者乘潮退乃涉中有浮

沙誤踐之即陷沒沙中蕭志

赤嶺港一名土堀墩在城南七十里港門狹小設有汎兵防守縣志

舊陵水港在城東北九十里與萬州交界發源青籐嶺至楊梅鋪通潮成港舊陵水縣建

此故名阮通志

蓮塘有二在城北一十里久旱不涸縣志

卓仁塘在城南二十里蕭志

湧泉一名甘泉在南山所前

溫泉在城西北五十里俱同上

烏石澗在城東北五十里一名都籠水源出那亮都黎山流入大海通志

崕州

山

馬鞍山在城北三里高二丈又二里為豺狼嶺高十餘丈又相連為遷拖嶺蕭志

遷拖嶺在城北五里東接落機北接郎婁西轉包州治通志

郎蠻嶺在城西八里高十餘丈又西二里為大橫嶺高二十餘丈下有路北八熟黎抱慍

村通生黎村峒同上

郎勇嶺在州東北八里明時曾建城於此舊址猶存州志

方山在城東十里高八丈蕭志

瓊州府志

卷四上

輿地山川

三十六

瓊州海口海南書局印行

南山在城南十里高二丈枕海壁立為州屏障元王世熙名曰熬山上有萬仞泉泉出

石穴清冷可掬下又有桶井同上

香嶺一名添子嶺在城北十里與南山對峙州志

弔靴嶺在城西南十里高十五丈又五里為澄島山高十餘丈蕭志

逸賢洞在城西北十里胡澹菴以其多水竹取竹溪六逸竹林七賢之義名之有句云溪

邊六逸李太白林下七賢山巨源阮通志

石版山在城東南十里高十餘丈旁有橫石其平如版宋知軍周鄭建亭其上今廢蕭志

盤山在城東南十三里石平如掌非琢磨所能為周圍數丈可坐數十人林木茂密傍

有澗水秋夏不竭清冷甘冽可濯可飲周使君嘗至其處愛其清絕伐木誅茅結亭其

上曰清賞輿地紀勝

符敲嶺在城西二十里高二丈又西三十里為龍樓嶺高三十丈阮通志

試劍峰在城南二十里海濱山有巨石高二丈餘宋毛奎題小洞天三字刻石上南有一

石臨海題曰釣臺東為大洞天有石室題曰海山奇觀旁有一石題曰仙梯下有靈應

泉禱雨多應蕭志

落神嶺在城東南三十里高十八丈

高嶺在城西三十里山勢峻險

郎鳳嶺在城東五十里高峻如鳳翼稍東為黎義山俱高十餘丈

瀟漏嶺在城東五十里高十餘丈下有瀟漏村

長山在城東五十里高八丈餘相連為饒頭嶺亦高八丈餘俱同上

黎義山在城東五十里上產莪草黃通志

報福嶺在城北八十里高七十餘丈遇旱土人望有白雲即雨又名靈山雨畢祭之因名

同上

和尚石在城西八十里有石形如僧雨後苔蘚青綠如袈裟蕭志

雙洲門在城東八十里海中雙洲對峙狀如兩扉

落筆峯在城東百餘里又名落筆峒高三十餘丈巉崿峻削中有石峒峒內有懸石擊之

如磬高處一石門有二石如懸筆筆尖水滴不斷又一洞門內石如屏高十丈有竅通

明又有井深不可測前人刻木為誌沉井中後於大海得之

迴風嶺在城東北一百二十里高五十餘丈下有溫水池又有喜思泉以颶風不過此嶺

因名明成化初知州徐琦修路作記勒石宏治初副使陳委知州王鐸重修 國朝乾

隆十九年知州宋錦修治以利行人俱同上

瀟西嶺在城東一百二十里高八丈餘又東十里為多民嶺高五十餘丈郝通志

落巖山在州西一百里望樓河中州志

鹿回頭山在城東一百四十里高二十餘丈上有連珠寨宋土賊陳明甫據此為窟蕭志

鸚鵡嘴山在城東一百八十里海濱與鹿回頭山相連

大小玳瑁洲大洲在東海中小洲在西海中

北到嶺在城西北一百八十里高二十餘丈俱同上

玳瑁欄在州東南五十里海邊有巨石數十丈如屋宋陳明甫鑿石為欄以養玳瑁大清

一統志

石蛇村在州東八十里石狀如蛇頭俗傳初為荒地峒首羅陳出獵聞犬吠視之見蛇頭

將出以箭挿地禱曰此可村箭當筭三日視之果然又埋竹實亦驗遂村焉阮通志
石龜在城北石如龜長一尋闊二丈有半旱蝗禱之立應上同

川
澄清水在州治西海南道行署內清潔異衆水蕭志

大河水在城北三里一名大江一名水南河又名寧遠水發源五指山流至城東北亞河

分流一由東繞南門至西南保平港入海一由北繞城西三里曰新地港又名抱漾水

西二里直抵蕃坊港入海其深莫測傳有潛龍云上同

後河水在州北二里即大河水分流達保平港入海州志

新地港在州西三里上同

蝮蛇塘在城東三里相連有望天塘蕭志

望天塘在州東三里州志

熱水塘在城北三里周圍可二十步深可二尺許水常熱又名溫泉蕭志

烏石塘在城南四里

瓊州府志

卷四上

輿地山川

落坊港在城西五里俱同上

鐵爐港在州西五里保平村潮水出入州志

抱漾水在州西六里源自後河流經官道會潮水往來上同

侯塘在城西北十里四面大山源流下潭出都陂灌田通大山入海歲旱多禱於此阮通志

保平港在城西南十五里受大河水入海又五里為大蟹港蕭志

龍棲港在州西五十里內有龍樓灣廣二里昔傳有龍棲於此又西三十里為羅馬港抱

歲港樂羅港又西四十里為望樓港上同

白沙港在城東六十里通遠巡司之側又白沙舖西南有黎白港蓋即延德水也延德即

今感恩阮通志

抱拖水在城西六十里蕭志

石溪水在城西八十里東北山下清流湍急中有石室石井石梯明成化間知州徐琦題

記

抱橫塘在城西八十里

三亞水在城東一百里源出佛齋嶺經三亞村東南流由臨州港入海
龍塘在城東一百里流合大河水入海相傳曾有龍出於此
畢潭港在城東一百里

澹水灣在城東一百一十里上有澹水泉名多銀水俱同上

多銀水在州東一百一十里州志

溫池水在迴風嶺下同上

番人塘在城西北一百二十里相傳外國番人船覆於此蕭志

田尾港在城東一百二十里同上

臨川港在城東一百三十里舊名臨川水唐置臨川縣蓋以此水名源自五指山分爲兩

派前後夾流經三亞村合三亞水入海後水產石蟹漁人採之初軟出水堅如石前水

產海鏡阮通志

三亞港又名臨川港在城東一百六十里受三亞水入海北有榆林港蕭志

籐橋水在城東北二百里源出黎峒至合水港入海相近有高沙港亦流合焉

高沙港在城東北二百里

合水港在城東北二百里受籐橋郎溫柳根三水入海俱同上

柳根水在州東二百里繞籐橋村合郎溫水入海州志

橘井在南山嶺下

萬仞泉在南山上清涼可愛

靈應泉在大洞天下泉從巨石中出清淡不竭旱禱多應

喜思泉在迴風嶺下俱同上

龍棲泉在龍棲港山下旱禱即應蕭志

溫泉在永寧鄉篳筓嶺下四時泉出常溫

濯纓泉在縣學前今廢俱同上

感恩縣

山 九龍山在城東北八里西枕海濱漢初建縣治於此遺址尙存大清一統志

大雅山在城東十里高白餘丈為縣治主山同上

息風山一名風洞在城東二十五里高百餘丈中有巨穴最深黑暗莫測春夏之月穴中常出南風猛烈如颶晨起暮息發輒數日禾稼多傷黎人禱之即止阮通志俗又呼為葫

蘆門謂北風自此門而出南風至此門而息云探訪冊

天馬山在城南三十里高二十餘丈形如奔馬學宮向之蕭志

透道嶺在城東北四十里高四十餘丈相傳昔有人於嶺上修煉得道故名同上

南蛇嶺在城東南四十里嶺有巨石赤色狀如南蛇首北向周圍小石蛇環繞甚多因名

縣志

黎虞山在城東五十里高百餘丈黎人常獵於此故名蕭志

抱透巖在縣東北五十里巖在山頂寬廣如巨室黎人常藏穀帛於此一大清一統志

感勞山在城東北七十里高百餘丈相傳宋大軍平黎駐此土人感其德而勞之故名蕭志

虞山石鼓在城東北七十里古鎮州廢城之東河中石鼓圓六尺以小石擊之其聲如鼓

旁五大石有馬蹄人跡頂刻大元軍馬到此俗呼為下馬山明成化中通判陳龍攜兵撫黎曾

到此

魚鱗洲峒在城西北七十里海濱突起一峰高三十丈石洞高下重疊如魚鱗故名

落纓嶺在城東北九十里高百丈道經其中山勢險峻俱同上

砂鍋嶺在縣東一百里嶺中有石如門相傳入其內甚寬敞棟柱梁桷悉備有非人工所

能為內有石棋一局院中芭蕉數本里人或誤入者可取食若挾之出則昏迷莫知所

向擲之則醒好事者有心尋覓終不得一至人因名之曰小桃源縣志

鐘鼓巖在城東北一百二十里巖有石室倒懸石毯聯絡不可悉數左右有穴秉炬而入

僅容一人莫測其底行里許輒不敢前左右有石扣之一如鐘聲一如鼓韻故名蕭志

小黎母山即峨茶嶺在城東二百里生黎峒中崖石崎嶇人跡罕到諸黎環居其下上有

巨石刻大元軍馬下營旁小石刻至元三十一年正月十一日到瓊山相傳張宏範輩

所為也

仙槎石在城東十五里許長百餘丈廣數丈橫亘水面望之若浮槎俱同上

川

雨龍江通志作南龍江源出小黎母山西流繞縣至城東北五里曰感恩水隋以名縣今又名縣

門港西流入海蕭志感恩縣有浦龍江一名縣門港兩岸皆巨石深不可測阮通志

城東河源從五指山來西流至縣城五十里自縣城至海二里探訪冊

溫冷池在城東十一里池方廣三丈餘水分兩派一溫一冷蕭志

板橋港即石排灣在城西南二十里水中有巨石橫列同上

北溝港在城北二十里自港下海一里探訪冊

南湘江即南港在城南三十里其源有二一自抱淺黎山至抱漫村合流經南港舖入海

阮通志

小南港在城西北三十里蕭志

通天舖河在城北三十五里由此下海三里探訪冊

廻澄江一名白沙河在城東南四十里發源黎峒細流易淤必暴雨水漲始西奔入海蕭志

老馬井在城東元四十里飛來廟側為感恩第一泉相傳馬伏波鑿故名縣志

白龍塘在城東七十里古鎮州南相傳昔有白龍起此蕭志

溫湯泉在城北七十里其東即宋時鎮州地今為黎人雜處旁有石城遺址名楊文廣壩

廣東輿圖夏寒冬溫有瘋疥瘴氣浴之即愈大清一統志

龍吟泉黎吟泉在感恩縣寰宇記

大南港在城北七十里今沙壅淤塞縣志

蟹村港在城南八十五里舊縣志作六十里自港至海四里探訪冊

北黎港在縣北九十里即昌化之南江北為黎界曾設北黎營及墩縣志此港可泊舟商販

皆貿易於此探訪冊

黃磬溝在縣東一百里溝有石狀如鑿頭角耳目皆具三足正立一足曲而提起毛色斑

爛溝名以此黎人捕獲經此嘗禱之輒有神應縣志

冷飯溝在城南由紅水溝直貫入海探訪冊

嶺頭灣在冷飯溝之東南儋船往往到此捕魚

白沙港在嶺頭灣之東南廣高瓊文客船多在此裝載貨物

求雨村港在白沙港之東南由崖地繞過月村延蜆村青山村至求雨村後入海俱同上

雙溝灣在城南海濱嘗有漁船灣泊春來更多冊探訪

瓊州府志

卷四上

輿地山川

四十二

瓊州海口海南書局印行

瓊州府志卷之四下

輿地志七 水利

瓊山縣

博冲河口在城東南五里水從南湖流出亦從大江而入明知府謝繼科塞之嗣水漲淹

田邑民呈請開復縣志

南渭溪在縣南十六里源有二一自謝潭一自廢潭鄉人沿流築柵置車取水灌田

西湖一名頓崖潭溉田千頃在縣西十五里泉出石竇滙為湖歲久泉廢好事者浚之名

玉龍泉

南湖在縣南五十里溉田百餘頃即雷虎都西南湖也

河口河在郡城東門外明宏治間知府張桓始開久淤 國朝乾隆元年巡道潘思築復

疏鑿之灌田甚廣四十八年巡道德明置閘以資蓄洩詳山川

亭塘在巖塘右二里許韋執誼十世孫奉訓大夫韋敬匡始開其後裔庠生韋孝等繼築

成之成化間知縣梁昕復命其後人韋文貴修補高二丈五尺長百餘丈瀦水灌田雍正十三年韋廷獻重修併捐砌橋旁石路

南橋水道在縣城南門外源自西湖龍井合流至南橋宋人浚河自攀丹達大江正統間

攀丹人於兩岸築柵置車引水溉高田成化八年副使涂棐以南橋周相等訴稱橋內

低田為水車所壅遂除柵廢車自是攀丹苦無灌慨爭訟不已正德六年郡守王子成

召兩造民謝傑陳堯明等議高下田兩便之法斷令每年以十一月二十日開通水道

灌南橋低田待禾苗發生至次年二月初一日方許塞水置車其低田務要依期布種

或上半年雨水泛溢則水車仍應開通永為定規

濱壅墟岸在縣東南十八里自上那邕都達於頓林都元至正間有司以民苦水患委前

雷州學正張宜舉董榮明洪武末復聞於朝委知縣陳永彰修之進士符銘作記成化

間岸漸圯監生符蘭復上言副使涂棐委大使宋紀修之自用郎至邁元約有五里高

二丈闊倍之宏治乙卯太守張桓命舉人梁繼策復修高闊視昔又加倍乾隆十一年

知縣楊宗秉以里民吳承機等呈墟岸被人毀壞乃捐錢十千俾速修復諭令造水車

不許橫截河流併不得蓄水養魚以致下流淹浸於是爭端永絕

博歷墟岸在縣東南二十五里洒塘都民築長一百餘丈開渠引水灌田

博浪墟岸在縣東四十里演順都自博浪溪起二百餘丈宣德間主簿熊誌鄉人王賢嗣等修築後圯成化間知縣梁昕仍命得利之家增修今漸崩圯

塘心陂在縣東南十里顏村鄉人顏仲陽築長六尺闊一丈壅水灌田十餘頃

潭羅陂在大小英都源自抱皇山坡下湧出鄉人於上流築陂塘灌田十頃

東岸隄在下東岸都成化間知縣梁昕築

潭溪陂在縣東三十里小林都源自那庭田間流出鄉人石堵海潮引水溉田

巖塘陂在縣東南四十五里鄭都巖塘水自高山流出宋端平間鄉人於塘口築石高一

丈尺闊三丈八尺架橋砌陂爲堤堰延袤二百餘丈廣半之土名將軍陂水分爲二

南流灌鄭暫遵麻等都田北流灌洒塘抱園大小等都田共數百頃其陂則官掌之各

都設陂甲三十二名以供其役立陂長一名司之任水性分流不得擅利蓄洩

綠松隄在縣東三十里小林都源自靈山舊澗流出鄉人以築土隄引水灌田

大潭陂在興政鄉陂開九閘隨旱澇開閉灌田七十餘頃

橋冲陂在烈樓都陂開七閘灌田六十頃

南賴陂在縣西南七十里邁別都源自石山流出鄉人築壩引水灌田

梁陳陂在梁陳都元時遭水決洪武中知縣陳永彰修築復圯正統間知縣朱憲砌以石

高七尺長百餘步水源不竭民賴其利

東屯塘在蒼原都鄉人築岸灌田八十餘頃

圓山塘在圓山村前澗泉成塘鄉人築堤灌田十餘頃

潭宅塘水自雷虎都入作堤灌田百餘頃

南天塘在梁老都源自雷虎雲喬山流入鄉人置水車灌田十餘頃

潭鄧塘在西潭都洪武間鄉人置水閘塘變陸地成田數十頃

按黃氏通志載縣有水二曰陂亭南橋有墟岸三曰濱壅博歷博虎陂九曰塘心潭

羅東岸潭溪巖塘綠松大潭橋冲南賴梁陳塘五曰東屯圓山潭宅南天潭鄧共灌

田一千八百餘頃

度靈塘宋史河渠志開寶八年知瓊州李易上言州南五里有度靈塘開修渠堤溉水田二百餘頃居民賴之

按今大來都響水橋下流至那梅都英吳橋上流有塘蓄水即古度靈塘今英吳橋下亂石甚多不能蓄洩春苦旱夏苦潦水利久廢歲常歉收議者謂宜於英吳橋置閘以時啓閉姑識之以待後之識者

義豐堤閘元王濟翁水利碑畧云其間義豐遵化豐好等處民田往因洪水衝決陵谷變遷難於稼穡後至元丁丑春諸田老以實聞於郡郡檄委前雷庠學正張宜舉董其役有田之民不期而至堤橋車閘修制有方七年始效獲水利者一十八處成熟田者千有餘頃

林村閘壩在縣東南五里頓林都鄉人斃石爲閘開渠引水灌田二十餘頃

博冲車壩在縣東南頓林都水自西湖流經響水橋英吳橋至博麻村人南渡江前人作壩車水溉田

五丈塘閘在縣西五原都水自洋浚南流至五原橋下鄉人每里築一陂名曰塘閘以時

啓閉灌田甚廣

那洋陂在烈樓都水自南巖湧出成溪鄉人築陂灌田五十頃

邁客車壩在縣東南八十里蘇尋都溪水自邁容流至戴塞十里許皆置車取水灌田千餘頃

後樂墟岸長牽墟岸俱在豐華都萬歷乙巳地震田陷崇禎間御史李元衡募民於河口稍溢處運土堆石築兩岸高四丈長二十餘丈以捍海水得田百餘頃勒碑於岸

蒼茂墟岸在縣東南八里頓林都發源永都溉田八十餘頃嘉靖年屢修屢壞萬歷乙未知縣吳宗貞捐修丁酉副使胡芳桂知府李多見同知經仁木買石修築乙巳地震副使蔡夢說知府倪凍復修康熙五十一年雷瓊道申大成知府林文英知縣王贊築滾壩啓三門架橋於上視水大小以時蓄洩極灌溉之利五圖農民皆賴焉立碑記之

本利渡在縣東七里上東岸都水經博冲河通海其田多水患歷經工築置車灌田

龍塘大橋在縣南二十里洒塘都內有田數百頃壩甚高間有小溝自橋達大河洪武初鄉人王佑士球等築堤置水車十以灌兩岸高田附近都圖俱得水利有碑記在橋邊

上壁橋在縣西南六十里水自南湖滄浪流出浦天橋上築大堤灌田數十頃有碑記
金粟泉一名浮粟井明萬歷四十二年知府謝繼科琢雙龍頭於井中泉從龍口湧出灌
注於田俱同上

官隆圖田溝距城六十里青草村明海瑞開水自樂萬至鷄頭等處迤邐十餘里灌田甚
廣舉人王承烈有記探訪冊

那夾塘在城西北四十五里烈樓都水自山澗湧出成塘溉灌瓊澄二邑田數百頃
懸泉在城東南五十里近陶公山泉從山中湧出味甚甘灌田數十里

水頭泉在水頭地四時常流聲如擊鼓久旱不涸灌田數里

北讓井在城南十八里上那窰圖其井天然生成泉甘冽上有神蹟旱禱多應溢流達渭

溪灌田甚廣

博洋橋水在城外源自山麓石澗出灌田數千頃俱同上

澄邁縣

送甲陂在縣南六十里水自南黎都達黃竹坑入曾家西都鄉人王逢築灌田五百餘畝

元至正間陳子胡作亂鄉人攻之文裔都陳存力戰死賊遂棄甲而走故名縣志增

南濠陂在縣南六十里鄉人黃儂佛集衆築隄堰水灌田一方賴之

小水陂在縣西八十里南楚都源自舊浦渚上都流經於此鄉人堰水灌田

浦坑陂在縣南六十里曾家西都水自南庄山流出鄉人於泥浦浦坑後坡魚梁四處築
坡灌田千畝

祥塘在縣東十里舊豐盈都源自那夾村石澗流出至那曲轉達東水港宋時鄉人王伯
威築隄堰水灌田元至正間里人陳武敵用石版修砌勒碑於上明正德間鄉人陳政
修築爲塘邑紳鄭稽爲記

龍塘在縣南七十里祿樓一統志作梅村相傳龍見於此故名水常青色其流資灌漑

西洋溝又名汎田在新安都源有二一自高山麓一自油麻山合流入大江灌田數千畝
大旱不竭

潭滂泉在縣西十二里石坎中流出四時不竭溉田二千餘畝

浦墩溝在城西南八十里保義正都灌浦墩洋等處田

頭燃溝在城東六里康熙六十一年鑿灌那留等田

深堀濱在城南六十里原灌產坡五洋田數千頃因嶺崩沙壅田荒乾隆二十年鄉人捐

修砌以石廣二尺長二十餘丈

博市泉在舊多稔都源出大勝嶺石坎中灌田數十畝俱同上

定安縣

潭覽溪在縣東南五里一名巡岬溪源出李家嶺流經潭覽村鄉人作壩車水溉田五頃

縣志

白沙溪在縣東七里源出白旗嶺流經白沙村灌田四頃

浮南溪距城一里南雷村鄉人築隄溉田二頃

市場溪在縣東一里源出南田即潭覽白沙下流溉田二百餘頃

買釵溪一統志作買抄在縣東九里源出白沙岡流經買釵村舊淤明成化甲辰乙巳間大雨水

湧沙開溉田三頃餘

城邊溪在南閩都溉田二十頃

瓊

州府志

卷四下

輿地水利

五

瓊州海口海南書局印行

母粗溝在城東一里溉田百畝

滔淪泉在縣東南黃竹都上筒村溉田四頃

大井泉在縣東南溉田三頃

清源井在縣東南石岸壁立泉湧其下溉田三頃

石塘泉在石豆都溉田頃餘

水出泉水井泉俱在黃泥都各溉田二頃

黎二寨泉在新寨溉田二頃餘

清水塘在石豆都溉田二頃餘

噴珠井在新三圖雲棲寺前深二尺許其泉湧出如珠聯貫浮起隱隱有聲溢流灌芋田

數百畝

響井在居腰佳龍嶺麓其泉自石罅出錚鏗有聲味甘冽雖旱不涸灌田數十畝

仙泉井在仙坡村前深二尺許泉甘與郡浮粟泉無異溢流灌田數十畝

漱玉井在南資圖水出村泉味清甘四時不涸亢旱時數里外皆取汲焉溢流灌田數頃

邑人王懋曾有碑銘

惠液泉在南資圖山產村味甘冽可飲亦以灌田民利賴之邑人王懋曾有碑銘
下灘潭在黃竹圖山地村源出狐狸市至此成潭潭旁石壁數十仞惟南面無石水如瀑
布自石巔下聲如雷流經博敖港入海沿流灌田甚廣定會之民咸利賴之俱同上

文昌縣

牛路楊梅堤在縣西南郊外明萬歷四十五年築城外北帝廟旁地卑窪知縣葉可行倡

捐買田築隄開溝土乃可耕縣志

泚塘陂在縣西三十里北山都鄉人築隄灌田一百五十餘畝今廢 探訪冊

白延陂在何恭都灌田百餘畝

潭牛陂在何恭都灌田百餘畝

蔡家陂在何恭都灌田百餘畝

流沙壩在多尋都灌田百餘畝

廖公陂在南溪都障海水使不入田縣丞廖義寬築

巨坑陂在南溪三圖知府胡一用築

沙港大堤在縣西南四十里例貢林連鉦築袤長十里灌田數百畝

衙前堤在縣南五里乾隆四十八年歲貢陳大欽築決水灌田四千餘畝俱同上

會同縣

苦棟堤在縣東二十里太平都鄉民修築旁有苦棟墩故名縣志

西關隄在縣西門外明萬歷癸卯知縣盧晉修築長五十丈闊一丈五尺尙書王宏誨有

記

端趙堤在縣西一里端趙都明成化七年鄉民修築長二丈餘東西灌田五頃

牛浸水堤在縣西北二十里永安都明成化元年鄉民修築長四丈灌田四頃餘

黎毬堤在縣北五里端趙都明天順六年鄉民修築長二丈許灌田四頃

嘉會堤在縣北二十五里嘉會都陳鐵埔村明天順三年鄉民修築長三丈餘灌田二頃

餘

軒村橋通志橋作溪在縣東二十里太平都鄉人築隄溉東西兩岸田數十頃俱同上

文塘在縣南源出黎母山支流至此瀦爲巨塘資以灌溉方輿紀要

溫泉在縣西三十里如湯沸鄉人壅以灌田一統志

半月塘在太平白銀樹村前廣袤數十丈極旱不涸灌田數十畝探訪冊

樂會縣

鷄通志作雄陂在縣東南十五里溉田數十頃明初築閘壩以爲外捍正統五年知縣曹梅

修之今潰縣志

買甲陂在縣南二十里一名桃黎陂水從龍塘溝來明正統七年知縣莫卿修築瀦水溉

田數十頃嘉靖二十六年鄉民馮鍾鳴修築

密澤陂一名蓮陂在縣南二十里近龍滾河鹹水從港而入農人苦之明初峒首王官泰

集衆築壩又墾荒原數頃旱則引水灌之嘉靖三十一年修築

光嶺陂在縣東南十二里秉信鄉北岸洋田受薄葶港潮或海溢多害稼明正德間舉人

何鍾築隄捍之并蓄水灌溉今潰

烏陂塘在縣南十里源自萬州界陵流山來注而成塘鄉人築隄溉田千畝元末圯明洪

武庚戌知縣黃思恭正德丙子知縣嚴祚相繼修

龍掘塘在縣西北十五里周二百丈深約丈許泉自嶺上石中出灌田甚廣

青塘在縣南二里下小鄉今變爲朗田

江水塘在縣北二里莫七鄉

亭子塘在縣東三里莫七鄉先時瀦水溉田明天啓間奉文升科變價今爲民田

阿界塘在縣東七里中珠鄉

新村塘在縣東八里中珠鄉

南堀塘在縣西北十八里下北鄉

山陂塘距縣五里

白水塘在縣西八里下大鄉今爲田

滋塘在縣西十五里廣數畝深丈餘群魚聚焉人謂之魚宅

三更塘在縣西北十五里周里許民資灌溉

塘口塘在縣北八里執禮鄉

冠帶河在順義鄉定會二邑有五水聚此達龍塘港蔭田甚廣一鄉利賴
牛橋塘在縣西北十八里流出南堀

南面塘在縣西九里執禮鄉

山坡塘在縣南五里淳行鄉

佳泉塘在縣西十里仙豸村東

討村塘在縣北十里中珠鄉

龍膺塘在縣西五十里崇文鄉

嶺頭塘在縣北八里中珠鄉

龍濱塘在縣南十里尙思鄉周圍皆山中漚爲巨浸以源自龍嶠故名明知縣王思恭築

永樂成化宏治間相繼重修至今瀦水不涸

田浦塘在縣西八里崇文鄉壅水可資灌溉旱則桔槔取之復盈

山田塘在縣西五里廣百餘丈雖旱不涸溉田頗廣

百井塘在縣西十三里淳行鄉兩岸山石相夾狀如井四時不涸

石塘在縣西二十里白石鄉方廣十丈中有巨石盤其下旱澇隨時蓄洩民利賴之

汰頭塘牛潦塘在縣西五十餘里歐村西

總塘在縣西南十里三面阻山淵深不涸

辛未塘在縣西二十里相傳宋辛未年大水衝成大旱源源不竭附近有參古塘其水亦

資灌溉

仙豸門口塘在縣西十餘里崇文鄉冬夏泉湧不涸明嘉靖時曾產並蒂蓮

蓮芋泔陂在縣東南十五里明正德間知縣嚴祚督修灌土峒田數百頃俱同上

溫泉在縣西三十里鄉人壅以灌田一統志

臨高縣

霖泉在縣南十里俗名黑水自石竇湧出溉田千頃縣志

文瀾河在城南源出五指山繞城東經百仞灘與迎恩溪合流入海其水可資灌溉探訪冊

迎恩橋水在城東十里源出透灘達百仞灘與文瀾河合流附近田畝皆資灌溉同上

龍潭在縣西三十里曰西村潭廣八十餘畝甚旱不竭灌田數十頃縣志

禾新陂在城西四十里縣郭都源自毗耶東流至此鄉人築堤灌田五頃餘雖旱不竭
和隆陂在城南十里曰蠶村繞流阡陌間潺湲不涸與霖泉匯鄉人築堤取水灌田十餘
頃

湧泉在城西郊泉自道旁湧出清冽異他水溢流而東溉田數十畝舊名潭覽明知縣陳
址立碑更名後建觀音堂於其上俗呼爲觀音井

澹菴泉在縣西五十里水可灌田俱同上

朝陽橋水在縣東二十里源自東田分流出石碑港

稼瑞橋水舊名下水在縣東四十里源自羅洋嶺溢流出新安港

按縣志云朝陽橋水自東流出石碑港三十里漚灘水達迎恩橋出百仞灘二十里
稼瑞橋源自育賢嶺經長村出馬鼻港四十五里皆灌溉田畝天然之利不假人力
也

儋州

大江陂源自沙鍋嶺蜿蜒百餘里歷長吳李許等都至州城北歷大英都入海沿江兩岸

瓊

州府志

卷四下

輿地水利

九

瓊州海口海南書局印行

皆截流堰水爲車灌田四千頃名近江田明宣德七年州同知林洪分導二江去城二
里許卽昌江渡迎恩橋是也州志

小江陂水自零惟分流繞出東坡載酒堂至城東復接大江溉田百餘頃明成化九年知
州羅傑督民修濬

水井泉在州東七里水源不竭灌田八十餘頃

德義泉在州西四十里德義山下流接乾冲港灌田五十餘頃

那細泉在州北四十里寒泉窟發木石幽深郡人唐經維詩云地本居幽僻天教慰寂寥
池無一畝廣泉有萬珠跳坐浴清心骨行吟厭市朝從今頻往返歸路不辭遙泉下灌
田八十餘頃

浦丹陂在州東二十里水自李許都馬皇山出元末水嘗泛溢酋長陳薦觀疏通洩於大
江明正統二年宜倫縣丞何暉築陂以灌零春天堂等處田十餘頃道光七年歲旱源
竭李許都與零春村爭水訟久不決十四年巡道張靖春勘定馬蝗山水聽李許都築
陂灌田如有溢流陂外仍准零春等村灌溉若歲旱則專從大江築壩引水不得分馬

蝗山水並令李許都助錢一百五十千文給零春等村生息爲築壩之費

按黃氏通志儋州有大江小江又泉三日水井德義那細壩一日浦丹共溉田二千四百餘頃

榕橋陂在州東北三十里譚樂都沿江塞陂灌田百餘畝

東坡塘在州東二里東坡福前灌田一百二十畝舊名浦慶官田

顏塘在州西北四十里

木邱塘在州西北十五里

臨清塘在州西北二里俱資灌溉田畝

洞井在州西四十里山泉湧出與莪蔓三十六井水相接灌田百餘畝

新村壩在州南十五里明成化間築堤灌田四百餘頃

橋頭陂在州東通志作州南二十里源自沙鍋接新昌海沿江築堤灌田四百餘頃

楊市井在州北四十五里灌田八十餘畝

梅家井在州西四十里灌田二十畝俱同上

昌化縣

崔公河在城南五里明嘉靖八年指揮崔瀛率民開擴源自五指山流至縣東黎界入河

口爲昌江其水甘淡兩岸田藉以灌溉縣志參探訪冊

居扶塘周三里深五尺縣志

萑村塘長一里深四尺

大塘長一里深一丈俱同上

赤坎河引水灌北岸南黎東西三都田甚廣探訪冊

打根馬黃二塘在抱亦都灌田一千二百一十六畝

居侯塘在英德都灌田三千一百七十六畝

錢大塘在北黎都灌田一千一百二十畝俱同上

萬州

普禮陂在州西北三十里後朗陂州西北五里艾練陂州東八里蓮塘官陂州東北三十

里一統志增

甜密溝在州南三里導南渡溪水灌田同上

踢容河其源有三船埠亦有三一曰龍飛埠源自南萬嶺經竹窟等處溉田數頃一曰羅綾埠源自馬尖嶺經雙溪等處至羅綾溉田數頃一曰檳榔栽埠源自長沙嶺經南漓大甕溉田數頃河水東南曲折復合北至扶抱東至港邊設陂溉田三百餘畝東入小海河中連車壩五十餘所溉田五百餘畝州志

洪口溪在州西九里元大德二年萬寧縣民吳顯昌捨田為溪躬任開鑿知萬安軍賀賈捐俸助之洪口既通導水東流至於小海沿流計設陂十三所溝十八條明末陂溝俱塞州人吳時行重修 國朝康熙三十八年水利使吳孔惠復捐貲重修

第一陂曰上橫柵溝一溉田四百畝

第二陂曰上橫柵舊志曰蔣官陂溝二一曰學前溝明崇正間塞鄉民捐修復溉南門洋田 國朝康熙三十八年水利使吳孔惠復鑿之通東關洋吳村仔溉田千畝一曰吳家溝溉東山洋田千畝

第三陂在祿保扶溝一通艾綠溉田八百六十畝

第四陂在後洋坡溝二通三家上下二村溉田千六百餘畝

第五陂在小蒙溝一溉田三百畝又五陂同在小蒙亦有一溝通黃黎鄉溉田六百畝

第六陂在三家溝一通大蒙洋溉田四百六十畝

第七陂在東坡溝二一至墩山洋一至溪口洋溉田共六百畝

第八陂在後排溝一至南排前分為二南至扶抱前北至坡仔洋共溉田五百六十畝

第九陂在溪口溝一通保定洋溉田三百三十畝

第十陂在扶抱嶺東溝一溉田二百六十畝今被大河冲壞

第十一陂自第五陂分水至東山溪牛漏頭溝一溉田二百三十畝

第十二陂在北坡溝一溉田四百畝

第十三陂在新村溝一溉田四百三十畝溪內又有連車壩三十二所溉田三百畝陂坡

十三段蓄土以備築陂

祿益溪在州西五里明州守譚進導石絡河水築陂車水溉各村田畝又自石絡開溝至銅鼓嶺遇石中止 國朝康熙三十年生員蕭之淇復煨石鑿通溉南洋田利甚溥今

銅鼓河設官陂民陂共五所祿益至大蒙有陂三溝三

蒙陂在洋尾溝一溉田百餘畝

吳九陂在書田溝一溉田二百餘畝

檳榔村陂在大乳洋溝一溉田六百餘畝

新溪門賓麥陂在州南十五里明嘉靖間州人相州知州陳遜捐貲開賓麥河口導水溉

明二懷一仁三三圖田千餘畝後被水冲塞遜孫靈巖重開築陂壅水裔孫陳鳳吉捐

田十五丁載差米六斗立花名陳河壩歲輸租以助守陂至今賴之以上洪口祿益新溪三溪俱從陽容河導入

吳村渡河源自馬鞍山經赤岸多謀那合等陂州人馮天清開導囊溝引之經吳侯掘壩

等陂東至吳村渡及馮村坡仔入於小海河中連車壩三百六十座溉田三百二十畝

掘壩陂即洪漳水在宣義都明鄉人文子昌捐貲買田開築溉田五百餘畝

吳侯陂今名羅黨陂在州東十五里宣義都明鄉人文應宗築溉田四百畝

那合陂在州北二十里康熙六十年州民馮天清開溝三十餘條築大陂五座溉宣義通

化二圖十村田千餘畝以上從吳村渡水導入

大埂陂在州西五十五里源出山筭寨康熙五十二年鄉人吳應宗捐貲修築因地培土

成溝連接十餘里六載功竣灌漑清明田五大壩計八百畝知州董鴻勳旌以匾東流

至牛樂園入於河

壩尾溪仔在州西四十五里源出壩尾嶺溉田數十畝

流馬溪在州西二十里源出礮頭嶺溉田百餘畝

深波溪在州西二十五里源出柴燻嶺康熙五十三年州歲貢王玠捐貲築長淵石盤陂

二所又越嶺腰開溝二溉田三百餘畝

黎岐溪在州西南三十里源自南望嶺東至打石坑陂一溉田數十頃又東至黎岐及爭

來陂一溉田數十畝又北至石墓塘溉田數十畝以上五溪皆小水俱注陽容河

東山溪源自大礮來東至後朗陂溉田七十畝又溉踏車田百餘畝又東南至艾緯陂壅

水至後山前溉田三百畝

南禮溪仔溉田百畝黃沙溪仔溉田二百畝俱在卑凹都

牛角溪在通化都溉田三十畝

加槽溪在黎興都溉田二百畝

白石溪在州東北二十五里一自小坡村河一自高架溪流經壩頭村入港沿溪車陂三百七十座溉田五百餘畝

蓮塘溪在州東北三十里源自大芒嶺東至蓮塘官陂分爲二一至和樂溉田三百畝一
至水涯各村築壩堰水溉田四百畝

粟穗溪在州東北三十五里源出六連嶺溉田四百餘畝

馬容溪在州東北四十里源出六連嶺灌田三百餘畝

龍滾河源自烏鴉嶺東至龍滾復北流至南港溉田四百餘畝

買山溝陂在州西七里溉田六十餘畝

坡頂溝陂在州北六里溉田百餘畝

金仙河在城北二里相傳昔有交趾道士號漫叟結菴煉丹於此後仙去故俗又名仙河

其水自高橋來勢平而緩灌田數百畝
詳山川

周村下市溝在州東北十里溉田四十餘畝

烏石姆塘在州西三里溉田數畝

洗臉水塘在州西二里溉田五十畝

清水塘在州西北五里灌田數畝

胡家塘在州西一里灌田數畝
俱同上

陵水縣

溝頭壩在縣北二十里由小河黎山發源歲冬鄉民植木作壩導水由小溝南流經興調

二圖灌田二千餘畝
縣志

高亮壩距縣北一十里源出小河歲冬鄉人築壩灌田千餘畝

坡灣壩在縣北一十里源出小河朱黃鄧李四姓歲冬輪集各鄉農民築壩取水灌田數

百畝

祿田壩在縣北二十里源出黎山嶺灌田數百畝

大寨溝卽陵柵水在縣北十里源自南邁嶺達興一圖灌田百畝

雙坑嶺泉在縣北三十里發源黎山經南峒灌田百畝

巡司溝在縣北二十里發源黎山經南峒灌田一百畝

嶺黎馬李等村源出五指山灌田數百畝

九所嶺泉在縣南二十餘里瀑布下流久旱不涸灌田千餘畝

坑頭溝在縣東北九十里坡頭鄉源出第一尖嶺二水合流灌田千餘畝

三合坑泉在縣東北九十里東村源出大灣嶺三水合流灌田數百畝

上坑泉在縣東北九十里新灣村源出圓大嶺灌田數百畝

龍所溝在縣東北一百里那亮鄉廣深不涸亢旱用車激水灌田數百畝

坑頭泉在縣東北一百里那亮鄉源自文筆席帽兩峯合流灌中心洋南排田數百畝

甘泉池在縣東北一百里那亮鄉源流不竭尤極清冽灌田約百畝池旁有清源亭士人

嘗修禊於此

水仔坑在縣東北一百里亮一圖源出席帽峯灌田百餘畝

謝來坑在縣東北一百里源出謝來嶺雙水合流灌田數百畝俱同上

大河水在城北一里源出大五指山經嶺黎馬李等村灌田數百畝乾隆五十七年知縣

瞿雲魁重修嘉慶十五年知縣馮金錫集邑紳復修縣舊志

小河水在城北源出黎山與大河水分支經輿調二圖灌田數百畝同上

崖州

達隴溝在州北二里明宏治十七年鄉人築溉田百餘頃今廢黃氏通志

抱架溝在州西南抱架館海濱廣漠旱不能耕明宏治二年知州林鐸築溝引千家山河

水溉之

橋門溝一名望樓溝在州西百五十里明宏治二年知州林鐸築引千家山下河水溉田

望樓溝在州西九十里溉望樓田數頃

東羅溝在州西六十里溉東羅羅馬等處田俱同上

水南溝在州南二十里宏治十年開溉田百餘頃

埋鵝陂在州南一里明宣德五年知州林敝築壩溉田百餘頃成化間知州徐珍重修

南乙溝距州二里邑人開灌田百餘頃

石牙陂在州西五里明天順六年州判周永興舊志闕名築堤灌田五十餘頃

石頭陂在州東北五里鄉民歲修灌遷拖郎萑諸田

中亭溝在州北五里明宏治二年知府林鐸開築溉田甚廣

高村陂在州東五里舊有大河久淤明成化八年判官何琛疏築溉田五十餘頃

仰重溝在州東八里明宏治二年知州林鐸開引高村五指水灌田二百餘頃

抱里陂在州西五十里明成化五年知州徐琦創開一村利賴

雷溝在州西五十里明正統二年主簿梁正開引抱橫塘水入九所屯大塘灌田甚廣

都陂在州東北十餘里源出北黎山明正統二年主簿梁正修後崩塞宏治元年知州林

鐸築復溉田千餘頃

柳根陂在州東百里鄉民歲修灌田百餘頃

南畧陂在州東一百里村民修築灌本村及多銀諸田

南北溝明正德十四年知州陳堯恩鑿鍾芳有記

馬丹溝在州北五里明正德十四年知州陳堯恩鑿溉田百頃

樂羅溝在州西六十里

大官溝知州陳堯恩鑿引漳水歸後河

池返溝復溝俱在州西八十里明正統間主簿梁正開

小郎芒溝在州西五里灌田數頃

大郎芒溝在州西七里明知州徐琦開

餘甘溪陂在南嶺東村民黎柵修築

解元陂在田遼村明或化二年修築俱同上

感恩縣

感恩水在城東北五里

溫冷池在城東十里

溫湯泉在城北七十里

感勞浦在城東北七十里感勞山下廣二十餘丈

白龍塘在城東七十里

小洲塘在城北三十里

石排灣在城西南四十里

黃磬溝在城東一百里

老馬井在城東北四十里

碧沙洲在城東門外

陀興堤

觀墳壩

賴結壩

站後壩

德旺壩

打倫壩以上俱在城南豐鄉

加頓溝

不磨溝以上二溝俱在城北富鄉

按感恩縣志以上十八條統入水利而未詳其灌溉若干頃畝今仍之惟查採訪冊

瓊

州府志

卷四下

輿地水利

十六

瓊州海口海南書局印行

開南湘江白沙港大小南港北黎港諸水本自山泉折流出海其支派所過之處夾岸築壩置車皆可以取水灌田農民攸賴因諸港已見山川志內故此處不復紀載

白沙塘在城南源出陀崙嶺下有小溪直經此塘入海其間築塞陂壩灌田無數採訪冊

板橋港在縣城南十五里源從白穴村流出近村田畝多賴灌溉同上

按水利一門舊志竟闕古者溝洫之制昉自周官元馬氏文獻通考專志水利一門深得為治之本為民上者所當急務也瓊郡田多倚山墾闢或海濱斥鹵取水維艱邇時始知啓閉蓄洩之道近水泉者登輒以引之曰圳架竹以通之曰笕樹柵畚土以瀦之曰陂砌石為門以時出納曰閘鑿木為機手挽腳踏風轉曰車之數者因地制宜其利漸溥更得良有司察其利病時其修葺則三農收灌溉之利而四時無旱澇之虞將化瘠壤為膏腴而耕鑿之風可復見於今日矣茲考一統志通志各州縣志及地輿諸書有關水利者增輯一門其水泉止資灌溉者悉記於此山川門不復重列以避繁瑣